

6810

21

77

1877

1921

1921

Ա Ջ Դ

Համառօտ Ակնարկս, որ գրուած է
քանասէր քարեկամի մը յորդորանօք, քա-
ղուածք մըն է փոքր մէկ մասին ընդարձակ
եւ երկարամեայ Ուսումնասիրութեանց,
որոնց նիւթը կը կազմեն Հայաստանի ա-
րեւմտեան-հիւսիսային սահմանագաւառ-
ները, այսինքն՝ յատկապէս Փոքր-Հայք
անձուկ եւ ընդարձակագոյն մտօք (արդի
Սեբաստիոյ նահանգը), Խաղտիք (Տրապի-
զոնի նահանգը), Տայք (Ճորոխի աւա-
զանը) եւ Բարձր-Հայոց՝ անոնց սահմա-
նակից մասերը: Երբ յաջողի մեզի լիովին
աւարտել ու հրատարակութեան տալ պատ-
մական, տեղագրական եւ ազգագրական
Ուսումնասիրութիւնքն յիշեալ աշխարհաց,
առիթ պիտի ունենանք ներկայացընելու
ճոխագոյն փաստեր ու լուսաբանութիւն-
ներ նաեւ Հայ-մահմետականութեան ծագ-
ման ու տարածման եւ արդի վիճակին
մասին: Ակնարկիս մէջ քիչ մ'ընդարձակ

շրջանով է միայն ընդհանուր պատմական տեսութիւնը. մնացեալն ի նկատի կ'առնու միայն փոքր աշխարհամաս մը, Րիզէէն մինչեւ Կարին: Բնական է թէ ուր խօսք կ'ըլլայ բնակչութեան արդի վիճակին մասին, մենք աչքի առջեւ ունինք 1910/11 տարւոյ վիճակը, զոր մեր ուղեւորութեանց ընթացքին մէջ ալ անձամբ կրցանք ստուգել:

Հ. Յ. Տ.

ՀԱՅ ԲՆԱԿԱԳՈՒԹԻՒՆԸ

ՍԵՒ ԺՈՎԷՆ ՄԻՆՉԵՒ ԿԱՐԻՆ

ՀԱՐԵՒԱՆՑԻ ԱԿՆԱՐԿ ՄԸ

Շատերու համար քիչ ծանօթ իրողութիւն մ'ըլլալու է այն թէ Սեւ Ժովու ավանց վրայ, ուր բաւական թուով հայ բնակչութիւն մը կայ, առանձին կերպով հոժ հայութիւն մ'եղած է Պոնտական շղթային դէպ ի ծով իջնող հովիտներուն մանաւանդ վերնամասերուն մէջ, ի մասնաւորի Տրապիզոնի ալիք-էլիքի մէջ։ Ոչ թէ ալիք-էլիք։ Այս հայութիւնը ժը դարուն ընթացքին արիւնալից կոտորածներով քոնադադադաժ է իսլամական կրօնին ընդդէմ։ Բայց պահած է շատ մասամբ իւր հայ նկարագիրը, գոնէ մասամբ նաեւ հայերէն լեզուն։ Առանձնապէս հայ հաճիւնը (քարտէսներու վրայ թրքաձեւ Hem-schin) քիչ ծանօթ աշխարհ մըն է. եւ նիպերտի նորագոյն եւ լաւագոյն քարտէսն իսկ այս տեղ մեծ սպիտակ բաց մը միայն

կը ներկայացընէ¹։ Բայց նշանաւոր գիտնական մը կտրած անցած էր աշխարհը։ Երկրախօս Բոխ Րիզէէն ելած է այս լեռնաշղթան՝ տեղացւոց համար սովորական ճամբով², իջնալու համար դէպ ի Սպեր (Թրքաձեւ Ispir)՝ ճորոխ գետոյ վրայ։ Բայց վերադարձած է դժուարին ճամբով մը՝ Խեւակէ (քարտէսին վրայ Kevak) անցնելով Համշէնի անգնաց ձորերը, եւ ի վերջոյ իջած Աթինա³։ Բոխի մատենանը, թէեւ ցանցառ, տեղեկութիւններ կու տայ նաեւ այն բռնի մահամետականացմանց մասին, որոնց ենթարկուած էր հայ ժողովուրդը՝ լեռնաշղթայիս երկու երեսին վրայ ալ։ Եւ Բոխ իւր այսպիսի տեղեկութիւնքն քաղած է նոյն իսկ այն «մահամետական»-

¹ Richard Kiepert, Karte von Kleinasien. AVI Tirabzon. Տայոց համար՝ բաց ասկէ նաեւ ուրոյն քարտը՝ BVI Erzerum։ «Կ.» = Կիպերտի այս քարտերը։

² Dr. Karl Koch, Wanderungen im Oriente während der Jahre 1843 und 1844. II. Reise im pontischen Gebirge und Türkisch-Armenien. Weimar 1846. Ի մասնաւորի էջ 1—118. 235 ff.

³ Այս ճամբուն՝ ինչպէս մեր ակնարկին մէջ յիշելի միւս մասերուն՝ արդի ուղիները բաւական լաւ՝ թէեւ համառօտիւ նկարագրած է Charles Wilson, Handbook for Travellers in Asia Minor, Transcaucasia, Persia etc. London 1905, յատկապէս էջ 200—219։

ներէ՝ որոնց քով աւելի հիւր եղած է, ոչ թէ քրիստոնեայ Հայերէ՝ որոնք տակաւին մեծ բազմութեամբ կ'ապրին Պոնտական լեռներէն մինչեւ Կարին՝ իրենց մահմետականացած ցեղակիցներուն հետ։ Արդ այն գծի մասին՝ որ Ռիզէէ մինչեւ Կարին իբր 250 քիլոմետր է, կ'ուզենք քանի մը խօսք ըսել, մենք՝ որ հայրենեօք ալ այս լեռնաշղթայէն ըլլալով (Խոտրջուր), առիթ ունեցած ենք յետոյ 1910ին այլեւայլ ուղղութեամբ կտրելու անցնելու այս գաւառաց մեծ մաս մը եւ երկար ժամանակէ ի վեր աշխատած ենք ուսումնասիրելու անոնց անցեալը։

Ա.

Պատմական Ակնարկ։

Հայ ցեղն հնուց իսկ անհրաժեշտաբար աղերս ունենալու էր Հայաստանի սահմաններէն քիչ մը հեռու Սեւ ծովու ափանց հետ։ Արդ ճշդիւ այն ծովափը, ուր կը գտնուի հայ Համշէն, կը վերաբերէր Հայաստանի նոյն իսկ երբ ասի պատմութեան մէջ կ'երեւայ առաջին անգամ Armenia ձեւով։ Դարեհի օրով Հայաստան բաժ-

նուաճ էր երկու սատրապութեանց: Թող-
լով անոնց արեւելեանը (ԺԸ սատրապու-
թիւն), ուր կը բնակէին Ալտրոդիք եւ
Սասպիրք՝ մինչեւ Կողքիս (Հերոդ. Գ. 94,
Դ, 37 եւն), ուստի մինչեւ արդի Բա-
թումի մօտերը, այն ժամանակի արեւմտեան
Հայաստանը (ԺԳ Սատրապութիւն կամ
Հարկաց Շրջան) «Հայոց եւ դրացեաց» կը
հասնէր «ἄχρι- Ὑπερ- ὅρου» (μέχρι τοῦ
πόντου τοῦ Εὐξείνου. Հերոդ. Գ, 93): Այս
ծովիզերքը Տրապիզոնէ արեւելք ըլլալու
էր. որովհետեւ անկէ արեւմուտք ուրոյն
Շրջան մըն էր (ԺԹ) պոնտական մանր
ազգերու՝ Մոսքացւոց, Տիբարենացւոց եւն:
Քսենոփոնի ատեն ալ կրկին էին Հայաս-
տանները, երբ կը նկարագրէ Յունաց Բիւ-
րուն նահանջն այս երկրին մէջէն հարաւէն
դէպ ի հիւսիս, հասնելու համար Պոնտա-
կան լեռներն ու Տրապիզոն (Քսենոփոն,
Արշաւ. կամ Anabasis, IV, 3 ff.): Այս
առթիւ կ'իմանանք թէ Հայաստանի այս
հիւսիսային սահմաններէն մաս մ'ապստամբ
էր, յատկապէս Խաղափ+ (Χαλδαῖοι) եւ
Տայ+ (Τάοχοι, հայերէն -+ յոգնակերտով,
հմմտ. Քսեն. Ե, 5 եւն): Միւս կողմանէ
Հայաստան ինչպէս մինչեւ Եփրատ, անկէ

վեր դէպ ի արեւմուտք կ'երկարէր այնչափ որ Հալիս գետը (արդի Թրք. Գըղըլ-Ըրմազ) կը բղիւէր Հայաստանի լիւներէն (ὁ Ἄλυσ... ῥέει ἐξ Ἀρμενίου οὐρεος, Հերոդ. Ա, 72): Ուստի կը պարունակէր առնուազն գետոյն ակնաղբերաց աշխարհն Երզնկայի արեւմտակողմէն գոնէ մինչեւ Սեբաստիա, եւ որ քիչ մ'ետքն անձուկ մտօք ուրոյն «Փոքր Հայք» (Armenia minor) կոչուեցաւ: Եւ այս Փոքր-Հայքն է որ յետոյ ունեցաւ վերոյիշեալ մանր ազդաց ծովեզերքը: Երբ Սելեւկեանց Անտիոքոս Մեծ որոշիչ պարտութիւն կրեց Հռոմայեցիներէն Մագնեսիոյ քով (190 Ն. Ք.), ուրիշ երկիրներու հետ՝ անկախ եղաւ Հայաստան ալ: Բայց դարձեալ կրկին՝ երկու Թագաւորներով՝ Արտաշէս եւ Զարեհ («Զարիադրէս»): Մեծագոյն մասն էր Արտաշիսի «Մեծ Հայք» (Armenia maior), որ բաց ի Կարին ու Դերջան գաւառներէ՝ որոնք յատկապէս կը շեշտուին, կը պարունակէր «Պարխաւի սորոտը» (Ստրաբոն, c. 528 Παρώρεια τοῦ Παριάδρου), Կղարջքն եւն: Հին Հայաստանի աշխարհագրութեան նորագոյն քննիչը՝ Հիւբշման՝ «Պարխարի ստորոտը» կը հասկընայ Տայոց աշխարհը,

որ միակ հնարաւորն է ըստ զրից¹։ Թէ այս
 «ստորոտը» նաեւ որ եւ է ծովահայեաց
 հովիտ կը պարունակէր, որոշ չէ, եւ
 նուազ հաւանական։ Գոնէ Արշակունեաց
 Հայաստանը՝ Բարձր-Հայոց եւ Տայոց նա-
 հանգաց մասերով, Ճորոխի գծի վրայ՝ կը
 պարունակէր Պարխարի ստորոտները, մինչեւ
 բարձրագոյն լեռնաշղթային ջրաբաշխը։ Այս
 բարձր գագաթներէն Արշակունեաց Հայաս-
 տանը ծովը կը տեսնէր, բայց իբր պետու-
 թիւն՝ քանի մը տասնեակ քիլոմետր հե-
 ռու ծովափը չէր իջած։ Ի հարկէ սաի
 արգելք մը չէր՝ որ այն քայլը, զոր Պե-
 տութիւնը չէր առած, առնուր հայ ցեղը։
 Արդէն հայ ցեղին նիստերու սահման-
 ները չեն համապատասխաներ հին Հայաս-
 տանի պատմական սահմաններուն, ինչպէս
 ուրիշ կողմեր ալ։

Բայց հայ ցեղը՝ նաեւ իբր ուրոյն փոքր
 պետութիւն մը հասաւ ծովը քիչ մ'աւելի
 արեւմուտքը։ Բաց ի Արտաշէսի «Մեծ»

¹ H. Hübschmann, Die altarmenischen Ortsnamen, mit Beiträgen zur historischen Topographie Armeniens, Strassburg 1904. Հայ Թրգմ. Հ. Բաւնաբաւ վ. Պիլէգիկճեան, Հին Հայոց տեղւոյ անունները, վիեննա 1907. Ազգ. Մտքին. ԾԳ.:

Հայաստանէն եւ Զարեհի Հարաւային
 Հայաստանէն, որուն կենդրոնն էր Ժոփք
 (Sopnone, արդի Սարքերդի շրջանը), կազ-
 մուած էր երրորդ Հայաստան մ'ալ, վերո-
 յիշեալ «Փոքր-Հայք»: Ժոփաց եւ Փոքր-
 Հայոց թագաւորաց մասին՝ բաց ի դասական
 մատենագրաց աւանդածներէն՝ կը վկայեն
 նաեւ գրամները¹: Արդ Փոքր-Հայք ունեցան
 բաւական երկար ծովեզերք մը, որովհետեւ՝
 ինչպէս Ստրաբոն կը գրէ «Հնազանդեցունցին
 Տիբարենացիներն» — Սաղարիւն, այնպէս որ
 իրենց իշխանութիւնը տարածեցաւ. *Ἀπὸ τῆς
 Φαιακίας ἕως τῆς Σαλαμίνος* (Ստրաբոն, c. 555,
 μέχρι Τραπεζοῦντος καὶ Παργαχίας): Երբ
 Տիգրան Մեծ՝ գահընկէց ընելով զԱրտանէս
 Ժոփաց՝ միացեալ պատմական Հայաստանն
 ստեղծեց, չկրցաւ Փոքր-Հայքը միանալ:
 Անոր տէր ելաւ հզօրագոյն մը՝ Պոնտոսի
 Միհրդատ Զ. Մեծ Եւպատոր, որուն առջեւ
 ստիպուած էր տեղի տալ Փոքր-Հայոց Սիսիս
 արքայն: Բայց երբ Հռոմայեցիք յաղթելով
 Միհրդատայ՝ տիրեցին նաեւ Փոքր-Հայոց,
 վերահաստատեցին այն թագաւորութիւնն՝

¹ Լաւագոյն երկն է՝ Ernest Babelon,
 Les Rois de Syrie, d'Arménie et de Commagène,
 Paris 1890.

իրենց գերիշխանութեան տակ, տալով զայն
այլեւայլ իշխանաց: Բանի որ նոյնն ընդու-
նեցաւ Պողեմոն Ա. եւ իւր տունը, Փոքր-
Հայոց այս ծովեզերաց աշխարհագրական
ուրիշ յորջորջանք մը յետոյ սովորական
եղաւ՝ « Պողեմոնեան Պոնտոս » (Pontus Po-
lemoniacus): Ստրաբոնի գրած ատեն կ'իշ-
խէր անոր այրին եւ իշխանակիցը՝ Պիւթո-
դորիս (Phytodoris), որուն որդին Թա-
գաւոր եղաւ Մեծ Հայոց՝ Զենոն-Արտաշէս
(18 Յ. Բ.): Անոր համար Փոքր-Հայոց սառ-
րագրութեան մէջ կ'ըսէ թէ Պիւթոդորիս
(բաց ի «լաւագոյն» մասերէ)՝ իրրեւ Փոքր-
Հայոց ղշխոյ՝ « ունէր Տիբարէնները, Խաղ-
տիք, մինչեւ Կողքիս, եւ մինչեւ Փառնա-
կիա ու Տրապիզոն » (c. 555): Փոքր-Հայք
հռոմէական նահանգ ըլլալէն (69/70 Յ. Բ.)
եաքը՝ կցուեցաւ նորաստեղծ ընդարձակ հռո-
մէական Գամրաց նահանգին, որուն ծովե-
զերքը կը հասնէր գոթթէ մինչեւ արդի Բա-
թում: Դիոկղետիանոս կրկին հաստատեց
« Փոքր-Հայք » իբր ուրոյն նահանգ (մայրա-
քաղաք՝ Մելիտինէ, արդի՝ Մալաթիա),
Թէոդոս Մեծ բաժնեց երկուքի՝ Առաջին
Հայք (Armenia prima, մայրաքաղաք Սե-
բաստիա) եւ Նրկիորդ Հայք (Armenia se-

cunda. մայրաքաղաք Մելիտինէ)։ Այս «Փոքր-Հայք» ընդարձակուած մանաւանդ ղէպ ի հարաւ՝ կը հասնէր մինչեւ Տաւրոսի լեռները, մինչեւ Կոկիսոն, բայց ծովի զէրք չունէր։ Նոյն Թէոդոսի Ա. ատեն Մեծ Հայաստանի բաժանմամբ (387ին)՝ Հռոմայեցւոց բաժին ինկած էր նաեւ Բարձր-Հայք մինչեւ Կարին։ Ասի կառավարուեցաւ արտակարգ կերպով, մինչեւ որ Յուստինիանոս կազմակերպեց իւր Ա—Դ «Հայք» դաւառները։ Արդ այս բաժանմամբ (536ին) Փոքր-Հայոց մէկ մասը, հռոմէական Բարձր-Հայք եւ ծովի զէրքը՝ Կիրասոն ու Տրապիզոն միացած՝ կազմեցին Յուստինիանու «Ա. Հայք» կամ «Ներքին Հայք» (ή ἐνδοτάτη Ἀρμενία)։ Հռոմէական Հայաստան ունեցած էր կրկին իւր ծովի զէրքը¹։ Եւ այսպէս մնաց նոյն գաւառը՝ նոյն ծովի զէրքով նաեւ Մաւրիկ կայսեր (582—602) նոր բաժանմանց ատեն, անուն առնելով «Մեծ Հայք»։

Երբ Արաբացւոց հզօրանալով, եւ պա-

¹ Հմմտ. այս իրերու մասին ի միջի այլոց. Dr. Karl Güterbock, Römisch-Armenien und die römischen Satrapien im 4. bis 6. Jahrh., Königsberg 1900; հայ թարգմ. Հ. Մկրտիչ Նուր-ա-ն, «Հռոմէական Հայաստան» եւն., Վիեննա 1914. «Ազգային Մատ.» ՀԵ՛։

րագայից փոխուելով՝ հարկ եղաւ բանակաթեմերու դրութեան, ստեղծուեցաւ հսկայածաւալ «Հայկական Բանակաթեմ», որ Բիւզանդեան Պատմութեան մէջ յաճախ վճռիչ դեր կը խաղայ (θέμα τῶν Ἀρμενιάκων, կամ պարզ Ἀρμενιάκον), որուն կը վերաբերէր՝ ի միջի այլոց՝ ամբողջ ծովեզերքը Սինոպի մօտերէն մինչեւ Բաթումի մօտերը: Բայց երբ ասի բաժնուեցաւ այլեւայլ մասանց, «Հայկական»ին մնաց արեւմտեան բաժինը, (— Թ. դարու վերջերը՝ ուրոյն բանակաթեմ եղան նաեւ «Կողոնիա»՝ արդի Շապին-Գարահիսար եւ Սեբաստիա. —) արեւելեան ծովափունք կազմեցին ուրոյն թեմ մը՝ կենդրոն ունենալով Տրապիզոն, եւ կոչուեցաւ հին անուամբ մը Խաղաբէ (Χαλδία): Ասի եղած է իբր 837ին¹: Խաղատեաց թեմին կը վերաբերէին, ցորչափ Բիւզանդացւոց ձեռք մնացին, Բաբերդ ու Սպեր, եւ քիչ ժամանակ նաեւ Եկեղեաց²:

¹ Հմտ. J. B. Bury, A history of the Eastern Roman Empire (A.-D. 802—867), London 1912, p. 223, 261

² Բանակաթեմերու մասին՝ Հմտ. H. Gelzer Die Genesis der byzantinischen Themenverfassung, Leipzig 1899, հայ թարգմ. Հ. Գաբրիէլ Գաբրիէլեան. «Սկզբնաւորութիւնք Բանակաթեմերու դրութեան», Վիեննա 1903. «Ազգ. Մատ.» ԽԴ:

Մնացեալը կարեւոր չէ: Սիջուկեան արշաւանքները լիովին սյրափոխեցին ամէն ինչ: Միայն ծովեզիրքը կրցաւ մնալ երկար ատեն Յունաց ձեռքը, եւ Տրապիզոն ունեցաւ իւր «Կայսրութիւն»ն անդամ, մինչեւ որ Օսմանեանք տիրեցին ամբողջ այս ծովեզիրքին (1461 ին): Եւ այս օրէն կը սկսի բռնի մահմետականացումը նախ ծովափնեայ քաղաքաց Սիւրմենէ (հին Susurmaena), Օֆ (հին Ophis), Րիզ: (հին Rhizus) եւ Լազաստանի: Այս վերջնոյս մասին կը բաւէ միայն յիշել թէ Լազիկէ (Lazica) անուն կը տրուի հին Կողքիսի. եւ երբ Ե—Ջ դարուն անիկայ կռուախնձոր եղաւ Բիւզանդեանց ու Պարսից մէջ, այս անուամբ կը նշանակուէր երկիրը՝ Ճորոխի բերնէն անդին¹: Այսու հանդերձ ինդիր չ'իայ թէ Լազերը կանուխէն Ճորոխէն արեւմուտք ալ կը նրստէին, գլխաւորաբար այն տեղն՝ ուր հնագոյնք կը գնեն Sanni տոհմը: Անուանս լաւագոյն հնչումն է անագան Բիւզանդեանց ալ գրած Tzani, հայոց «Ծանիք» (Խորենացի եւն), Վրաց՝ Ծանէլ: Պէտք չէ սակայն այս անուան

¹ Հմմտ. Լազիկէի մասին ի միջի այոց՝ Brosset, Additions et Éclaircissements à l'Histoire de la Géorgie (I, 2), Pétersbourg 1851, p. 81—107.

հետ շփոթել թիւրքմէններու . ժամանակէ
ժանիկը¹:

Այս դիտողութիւնները պէտք էին յա-
ջորդաց աւելի լուսաւորութեան համար,
մանաւանդ այն կէտին թէ հայ տարրը հնուց
ի վեր առիթ ունէր ծովագլխէքը զետեղուե-
լու, եւ ինչպէս բնական է՝ ձուլիլու եւ ձու-
լուելու այն տեղւոյ ազգաց հետ, որոնք յե-
տոյ պատմութեան մէջ աներեւոյթ կ'ըլ-
լան: Արդէն Պլինիոս կը յիշէ թէ Տրապի-
զոն ընդարձակ լեռնէ պատուած է, «որմէ
անդին Հայախաղախ եւ Մեծ Հայք» (Hist.
Nat. VI, 4 gens armenochalybes
et Maior Armenia): Խաղե-ժ+ տարա-
ծուած էին հին ժամանակ մինչեւ Տայոց
մօտերը, ինչպէս կը նկարագրէ Բսենոփոն
(Արշաւ Դ. 7): Ստրաբոնի օրով՝ ինչպէս
որոշ կ'ըսէ «Որոնք այսօր Խաղախ» (Χαλδαῖοι)
հին ատեն Խաղե-ժ+ (Χάλυβες) կ'անուա-
նէին . բայց իրենց գլխաւոր նիստն էր Փառնա-
կիոյ կողմը» (c. 549): Այսպէս կը նշանակէ
ուրիշ տեղեր ալ, օրինակի համար բաց ի

¹ Հմմտ. այս վերջնոյս մասին D. M. Girard,
Un coin de l'Asie Mineure. Le Djanik. Étude de
géographie et d'histoire, I—II. Ի „Muséon“, N. S.
VIII, 1907, p. 100—171.

վերը յիշուածներէ նաեւ հետեւեալը. «Տրապիզոնի եւ Փառնակիոյ վերեւն են Տիրարէնք եւ Խաղարի+ (Χαλδαῖοι), եւ Սան+ (= Ծանք, Σάννοι) զորոնք յառաջ Մակրոն (յ.ք. հ.յ. Μάκρωνας) կը կոչէին, եւ Փոքր-Հայաստան» (ἡ μικρὰ Ἀρμενία. Ստրաբոն c. 548): Հայ հին մատենագրութեան մէջ «Խաղտիք» կը նշանակէ Պոնտական լեռնաշղթայն՝ աւելի կամ նուազ խորութեամբ, իբր սահմանակից Բարձր Հայոց եւ Ծայոց, ինչպէս արդէն ղիրքը կը բերէր: Անագանագոյն մատենագրութեան մէջ որոշ կ'երեւայ Բիւզանդեան «Խաղտիք» բանակաթեմին ազդեցութիւնը. անոր համար ինչպէս Տրապիզոն Խաղտեաց մէջ է, նոյնպէս է ի մասնաւորի Բաբերդ. եւ այս քաղաքս գրուած բազմաթիւ հայ ձեռագիրք նաեւ նորագոյն դարերու՝ գրեթէ միշտ «Երկիր Խաղտեաց» կ'ըսեն. եւ ասկէ դարձեալ նաեւ նոր բանասիրաց ոմանց կարծիքը թէ Բաբերդ Հայախաղտեաց վերաբերէր: Վերջինս ճիշդ չէ. հին Հայաստանի աշխարհագրութեան համեմատ Բաբերդ-Սպիւր միակ գաւառ մըն էին, Բարձր-Հայոց մէջ. սակայն այս խնդիրները հեռուն կը տանին զմեզ: Միւս կողմանէ հին «Հայախաղտիք» փաստ

մը չեն ազդագրորէն ըմբռնելու այն բաւական տարածուած յորջորջանքը, որով արդի Համշէնցին եւն «Հայ-Հազ» կը կոչուի: Այս յորջորջանքն այսօր պարզապէս տարազին համար է, զոր կը սիրեն կրել՝ ոչ միայն Համշէնցին եւ իւր գաղութները, այլ նաեւ Ճորոխի գծի վրայ, Թորթում, եւ նաեւ այլուր. տարազ մը՝ որ ի վերջոյ միայն լաղին ալ յատուկ չէ: «Խաղտիք» անունն այսօր հայ ժողովրդեան քով սովորական ծանօթ չէ, մինչդեռ մնացած է Պոնտական լեռնաշղթային հին Պարխար անունը (յն. եւ լտ. մատենագրաց Paryadres), եւ ի վերջոյ նաեւ Կիպիրոսի քարտէսը կը նշանակէ անոր մէկ մասը՝ Balchar-Dagh: Կայ այսօր ալ համանուն (Parchal) գիւղ մը՝ տակաւին կանգուն գեղակիրտ եկեղեցիով եւ Պարխալ-ջուր մը՝ որ Խեւակի ջրոյ հետ միացած՝ Ճորոխ կը թափուի:

Այժմ անցնինք տեսնելու այս Պարխարի եւ Խաղտեաց ծովահայեաց երեսի հայ գաւառները՝ Համշէն ու Սեւ Գետ:

Բ.

Համշէն եւ Սեւ Գետ:

Պարխար լիւրիք, մանաւանդ Տրապիզոնի մօտերէն սկսեալ, շատ բարձր լեռնաշղթայ մը կը դառնան: Ժովիզերքէն մինչեւ լեռանց ջրաբաշխ ողջ հազիւ իբր 50 քիլոմետր օդային գծով՝ հսկայ պատուարի մը պէս կ'երեւայ ծովէն, միջին գոնէ 2000 մետր բարձրութեամբ: Արդ Տրապիզոնի եւ Բաթումի գլխիցէ մէջտեղ՝ Ռիզլի հարաւարեւելքը, իբր Աթինայի թիկունքը կը բարձրանայ լեռնաշղթային ամենարարձր գագաթը, հսկայ կոն մը իբր 3700 մետր բարձրութեամբ, որ ծովէն վիթխարի ժայռի մը պէս կ'երեւայ երկար անջրպետ մը: Ասի այսօր ալ պահած է զրուցախառն հայ անուներ՝ Բաղխար, կիպերտի քարտիսի վրայ ալ Katshgar-Dagh: Նաեւ միւս անունը Varsambek օր եւ է «Բէկ»ի հետ գործ չունի. այլ «Վարսամ», աւելի «Վարշամ», տեղական աւանդութեամբ կը կապուի Ս. Վարդանանց նշխարաց հետ: Զրոյցը հիմ ունենայ կամ ոչ՝ պատմական հիմունի այն կէտը թէ Աւարայրի ճակատամարտի վերջին զրուագը Հայաստանի այս

դժու արամատչելի ձորերը տեղի ունեցած է։ Նոյն իսկ «Մեծ նախարարաց», շատերն ապաստանած էին «յա՛ղոյս երկիրն Խաղտեաց», Վարդանայ եղբոր Հմայեակ Համազասպեանի քով (Նդիշէ, Ը, 8, 14)։ Այս «յամուրս Տայոց», ապաստանածները կը հաւաքուէին «առ լերամբն որ կոչի Պարխար մերձ առ սահմանակցութիւնն Խաղտեաց», եւ իջնալով «ի յամրոցացն լերին Պարխարայ», կը մղէին ճակատամարտն «ի գիւղն որ անուանի Ուջնհաղ ի գաւառին Տայոց», եւ հոս կը նահատակուէր Համազասպ (Ղազար Փարպ. ԽԱ)։ Ուջնհաղ այսօր ալ կայ (Կիւերտ „Vordjnal“, բերդը՝ „Oshnagh kala“) Ծորոխի աջ ափին վրայ, որ կարեւոր հանգրուան է այս կողման արահետ ճամբաներու։ Բոխ ալ այցելած է գիւղս՝ Ծորոխի հովտին «այս դրախտին մէջ», եւ կանգուն գտած էր հին եկեղեցին, բայց ամայի. որովհետեւ այն ատենն այլ եւս «միայն մահմետականք», հոն կը բնակէին, որոնք սակայն տակաւին «մզկիթ չունէին» (Բոխ՝ էջ 65 — 67)։ Պատճառն այն է որ նոր մահմետական եղած էին։ Այսօր դարձեալ հայ-կաթողիկէ հասարակութիւն կայ հոն՝ Կարմիրքէ, եւ խաթարած եկեղեցին վերա-

նորոգուած է: Զիւարդ եւ իցէ, այս տեղ՝
Քաջքարի հարաւային ստորոտը հին պատ-
մական հայ հողի վրայ ենք: Տայոց նահանգի
Արսեաց-փոր դաւառիս մասին՝ նաեւ քիչ
մ'ետքը:

Քաջքարի հիւսիսային ստորոտը՝ դէպ
ի ծով իջնող բազմաթիւ խոր ձորերէ կազ-
մուած է Համշէն: Այս աշխարհին՝ է դա-
րուն տիրած էր հայ իշխան մը Համաժ
անուն, Քաջքարի ճիշդ ստորոտը շինած
բերդ ու աւան (աւանդութիւնը «քաղաք»,
կըսէ) որ իւր անուամբ Համաժաշէն կո-
չուեցաւ, յետոյ ամփոփուած՝ Համշէն:
Տեղւոյս չէ մանրամասնօրէն ուսումնասիրել
մանաւանդ այն յիշատակարանը, որ կցուած
է Յովհաննու Մամիկոնենի պատմագրու-
թեան վերջը¹: Յիշենք միայն աւանդուածը
թէ Վաշդեան «Վրաց իշխան, հալածե-
լով իւր քեռորդին Համամ, պարսիկ գնդաւ
«էանց ընդ գետն Ճորոխ. եւ գնաց ի քա-
ղաքն Համամայ, որ կոչի Տամբուր. էհար
սրով եւ հրով եւ գերեաց զքաղաքն», Քա-
ղաքին նահատակուած եպիսկոպոսը Մանկ-
նոս անիծած էր Վաշդեանը, եւ «ի միւ-

¹ «Ծովհաննու Մամիկոնենի եպիսկոպոսի Պատ-
մութիւն Տարօնոյ», Վենետ. 1832, էջ 56—58:

սում աւուրն ճայթեալ ամպոց երկնից՝
 հրայրեաց արար զնա», եւ անոր բանակէն
 «երեք հազար այր ի միում գիշերի սատա-
 կեցան», Վաշդեան հրայրեաց եղած էր
 «մինչ նստէր առ դուռն քաղաքին Տամ-
 բուրայ։ Զայս յետոյ շինեաց Համամ, զիւր
 անուն դնելով Համամաշէն», իբր թուական
 կ'ըսուի թէ «ի սոյն ամի ելանէ Հերակլ, եւ
 սպանանէ զԽոսրով » եւն (= Խոսրով Բ.
 Պարուէզ)։ ուստի՝ 627/8 Յ. Թ¹։ Ուրիշ
 աւանդութիւն մը կ'ըսէ թէ Բագրատու-
 նեաց մայրաքաղաքին Անույ Ալի-Արսլանէ
 առնուելու ատեն (1064/ին)՝ բազմաթիւ
 Հայեր, նաեւ իշխանական ու թագաւորա-
 կան տնէ, ապաստանած են Համշէնի կու-
 սական անտառներով ձորերը, եւ երկար
 ժամանակ շրջակայից անձանօթ ապրած։
 Աւելի տարօրինակ է այն զրոյցը, որ զՀամ-
 շէն արեւելեան եւ նաեւ հայ հէքեաթնե-
 րու «մութ աշխարհը» կ'ընէ։ Այս զրոյցը
 գրած է Հեթում, Կոռիկոսի տէրը, որ յե-
 տոյ կրօնաւորած է լատին վանքի մը մէջ
 (1305/ին) եւ գրած լատիներէն ու գաղ-

¹ Հ. Մէլլեւ վ. 2-4-ն. Պատմ. Հայոց,
 Վենետ. 1785. Հտր. Բ. 339 կը զետեղէ այս պատ-
 մուածը 632 Յ. Բ. տարւոյն ներքեւ։

ղիներէն. իսկ զրոյցն անցած է ուրիշներու
 ալ¹: Հիթում Համէնը “աչօք իմովք” տե-
 սած կ’ըսէ, եւ իրօք իւր երկար ուղեւորու-
 թեանց ատեն մօտերէն անցած ըլլալու է:
 Այս իրականին “այնչափ մառախլապատ”
 երկիրը՝ կ’ըլլայ “խաւարչուտ”, այնպէս որ
 ոչ ոք բան մը կրնայ տեսնել եւ հոն մանողն
 այլ եւս “ոչ գտանէ շաւիղ դառնալոյ”:
 Ասոր կը կցուի ուրիշ իրր պատմական զրոյց
 մը, որ “ընթերցեալ գտանի ի Պատմու-
 թիւնս թագաւորութեանց Հայոց եւ Վրաց”:
 Կը թողունք զրոյցի քննութիւնը. բայց
 միւսին պատճառը մեկնելի է: Ժովակողման
 այս ձորերը իրօք յաճախ մշուշապատ են.
 եւ Պոնտական հսկայ լեռնազիծը պատուար
 մըն է Սեւ-Ժովու ամպերու եւ մշուշներու
 որոնք կը նստին ձորերու վրայ: Զոյս ալ
 գիղեցիկ նկարագրած է Համէնի կուսական
 անտառներն եւ յաճախ միգամած խոր հո-
 վիտները, ուր՝ յաճախ պարզ առաւօտէ
 ետքը՝ կէսօրին մօտերը կը լողան ամ-

¹ Հմմտ. Recueil des Historiens de Croisades.
 Documents Arméniens. Tome II. Documents latins
 et français relatifs à l’Arménie, ed. Ch. Kohler,
 Paris 1906. Ետ. Introduction p. XXIV, եւ բնագիր,
 p. 129—130. 268—269:

պելլը, մինչ հսկայ բարձունքները պարզ կը
մնան¹։

Համշէնի ձորերը թէեւ ծով կ'իջնան,
բայց մեծ մասը ծովափէն 1—2 ժամ հե-
ռաւորութեամբ կը դադրին. իսկ գլխաւոր
հովիտները կ'երթան դէպի այժմ ֆուր-
թունա կոչուած գետը (Furtuna, հին Por-
danis), ուր ի վերջոյ կը հաւաքուին բոլոր
ջրերը, իսկ ասի ծով կը թափի Աթինայի
արեւելակողմը։ Այստեղ հայանուն գիւղը
Արտաշէն (Կ. Artashen, Բոխ՝ Artaschin),
որուն մօտ կը նշանակէ Կիպերտ Armene
հրուանդանը, կը ցուցնէ այն ամէնէն ա-
րեւելեան կէտը, ուր Համշէնցի հայր ծո-
վափ իջած էր։ Ընդհանուր առմամբ սա-
կայն Աթինա Լազերու հող է. իսկ վերը՝
Խալայի շրջանը Համշէնի կը վերաբերի. անկէ
արեւելք՝ տիրող են Լազերը, որոնք կանու-
խէն մահմետականացած՝ կրցած են պահել
իրենց ազգային ինքնուրոյնութիւնը եւ
գոնէ խորին գիւղերը՝ նաեւ լեզուն։ Այս-
պիսի դժուարամուտ լեռանց մէջ դիւրին
էր իշխանաց կէս-անկախ գոյութիւն մը
պահել։ Նաեւ Օսմանեան տիրապետու-

¹ Հմմտ. Բ. Ի., էջ 18, 32—38, 100—110 եւն։

Թեան տակ երկար տեւած է այս վիճակը,
 եւ Բոխ գեղեցիկ կը նկարագրէ տակաւին
 իւր ուղեւորութեան ատեն շարունակուող
 այս դրութիւնը, որոնց տեարք իրական
 «ձորապետ» էին (Բոխ այսպէս „Thalherr“
 կը թարգմանէ թուրքական ծանօթ «Տէրէ-
 պէյի», եւ կ'որոշէ բազմաթիւ այսպիսեաց
 իշխանութեան հողերու սահմանները, որոնց
 մէջ փոքրիկներէն էր յիշեալ Արտաշէնի
 հողը (Բոխ, էջ 124.) իսկ մեծագոյններէն
 Համշէն, որուն մեծ իշխանն ուրոյն „Woy-
 wode“ յորջորջանքը կը կրէր, իւր ձեռքին
 տակ ունենալով մասնական հովիտներու տէր
 փոքր իշխաններ: Բոխ կը ջանայ գծել իւր
 Ժամանակի Համշէնի աւատական գաւառին
 („Lehngau“) սահմանները՝ հանդէպ Րիզէի
 եւ Լազաստանի գաւառներուն (էջ 23—25):
 Բոխ հիւր եղած էր ի Ծեմիլ (Կ. Djemil,
 Բոխ Djimil) — որ Րիզէէ Սպեր ճամբուն
 վրայ հանգրուան գիւղ մըն է, — Համշէնի
 իշխանաց միոյն, որ բնականապէս շատոնց
 մահմետականացած տնէ էր: Սակայն անոր
 տիսլարն այնպէս բնորոշ հայկական կը
 դտնէր, որ «Թերեւս գլխաւորաբար հայ ա-
 ըիւնը կը հոսէր իւր երակաց մէջ. Թերեւս
 հայ ընտանիքէ մըն էր, որ իւր գլխաւորին՝

Համամայ առաջնորդութեամբ՝ ժամանակներ յառաջ այս բարձր լիրանց մէջ՝ բայց ծովահայեաց կողմը հաստատուած եւ գրաւած էր գաւառ մը, որ անոր անուամբ Համամաշէն, աղաւաղմամբ՝ Համշէն կոչուեցաւ եւ մինչեւ հիմայ ալ փնացած է (Բոխ, էջ 23):

Համշէն իբր հայ երկիր տուած է բազմաթիւ նշանաւոր անձեր՝ հայ եկեղեցւոյ եւ հայ ձեռագրաց գրչագիրներու մէջ ալ բաւական թուով են «Համշէնցի» գրողները, ուր ալ գրած ըլլան: Նշանաւոր է Յովհաննէս Համշէնցի վարդապետը († 1497), որ բազմաթիւ աշակերտներ ունեցած է՝ ուսուցանելով Երզնկայի մօտ Սեպուհ լեւոն Աւագ եւ Կայիփոս վանքերու մէջ: Այս աշակերտք, որոնցմէ բազմաթիւ ձեռագիրներ պահուած են, ամենամեծ դովութեամբ կը խօսին անոր վրայ. եւ ոմանք նաեւ Համշէնի իշխանական տնէ կ'ըսեն: Համշէնի մէջ ալ Եղեմի գիւղի քով կար նշանաւոր հայ վանք մը՝ Ս. Խաչիկ անուամբ, որմէ երկրին այն մասը յիշատակարանաց մէջ կը կոչուի «Խաչէքարայ վիճակ»: Հակառակ բռնի մահամետականացման պատճառած կորուստներուն՝ Համշէն գրուած հայ ձեռագիրներու շարք մը կայ, որոնց

մէկ մասը միայն ծանօթացած է ցուցակագրութեամբ: Այսպիսիներ կան՝ Վիեննայի Միփթարեանց հաւաքման մէջ (հմմտ. Հ. Յ. Տաշեան, Յուցակ Չեռագրաց, Թ. 170, 431, 4) — այսպիսի է Բրիտանական թանգարանի Ms. Or. 2612, գրուած 1527ի (հմմտ. C. F. Conybeare, Catalogue etc., Nr. 32) — այսպիսիներ՝ Վենետիկի Միփթարեան հարց հաւաքման մէջ (հմմտ. Հ. Բ. Սարգսեան, Մայր Յուցակ եւն, Թ. 52, 114 եւն) — եւ նաեւ այլուր: Երբ վերոյիշեալ Ճեմիլ բռնադատուած էր իսլամանալ, փախստականք կրցած էին ազատել եկեղեցւոյն հին մագաղաթեայ երկաթագիր Աւետարանը, որ անոր համար “Ճեմիլ-Աւետարան” կը կոչուէր: Ասի վերանորոգուած էր 1621ին: Թուրք զրաքննութիւնը չէր ներեր որ հրատարակուէր գոնէ այս նորոգման պատմական յիշատակարանը, որ “կրօնական յուզիչ բաներ կ’աւանդէ”¹: Սպերի Մաթուսանց գիւղը գտնուած այս հին Չեռագիրը թէ այժմ ինչ եղած է 1915ին աղէտքէն ետքը՝ չենք գիտեր:

¹ Հմմտ. Մ. Սահակեան, Սպերի հնութիւնները, Ի Թերթին “Արեւելք”, 1904, Թ. 5579:

Վենետիկոյ Թ. 52 ձեռագիրը գրած է Կարապետ Զուղայեցի, որ՝ ինչպէս ինքը կը պատմէ՝ Մովսէս Կաթողիկոսի չուզելով անսալ, փախած «եկայ ի Համշէն» եւ հոս՝ ի յերկիրն Համշէն, ի վիճակս Խաչէքարոյ, կը գրէ այն Սաղմոսաբանը Ռէթ (= 1630) Թուին. իսկ այս ձեռագրին նկարող Գրիգորը կը խնդրէ յիշել «զպոնտացի Տէր Աւետիս, առաքելանման եպիսկոպոսիս», եւն (Հ. Բ. Սարգսեան, «Յուցակ», սիւն 264—266): Այս Թուականիս տակաւին լիովին հայ-քրիստոնեայ էր երկիրը, եւ ասկէ ետքն է որ Համշէնի Հայերը բռնադատուած են՝ նա եւ զանգուածային կերպով՝ մահամետական կրօնքն ընդունելու: ԺԷ. դարու վերջերը սկսած, աւելի եւս ԺԸ դարուն ընթացքին մէջ տիրող եղան է մահամետականութիւնը: Երբ Հ. Ղուկաս Վ. Ինճիճեան 1806 ին կը հրատարակէր իւր աշխարհագրութիւնը¹, իրաց վիճակն այն էր որ մեծամասնութիւնն արդէն մահամետական եղած էր. բայց կային տակաւին քրիստոնեայք ալ, որոնց եկեղեցիները կանգուն էին, սակայն քահանայ

¹ «Աշխարհագրութիւն չորից մասանց աշխարհի»: Մասն Ա, Հտր. Ա, յտկ., էջ 395—398:

չունէին. միայն յիշեալ Նղիովիտ գիւղին քահանայն կրնար տակաւին մերթ ընդ մերթ այցելել: Այս Նղիովիտ գիւղն ալ «այժմ ըստ կիսոյն դարձան ի տաճկութիւն»: Բնական էր որ բռնի նորադարձներէն զոնէ «ոմանք կէսկէ» են հաւատովք, արտաքուստ միայն ցուցանելով զտաճկութիւն, (= մահմետականութիւն): Համէլէնի մահմետականացեալք «Խօսին Ռիշէ-ցայթ» հայերէն: Իրերը շատ չէին փոխուած՝ երբ կը գրէր Հ. Մինաս Վ. Բժշկեան Տրապիզոնցի, որ անձամբ այցելած էր Սեւծովու ափերը¹. «Խաչիքեար վանքը մեծ ուխտատեղի է, կ'ըսէ, «հայ եւ տաճիկ (մահմետական) վրան ուխտի կ'երթան» եւն: «Համէլէնցիք կէսկէ» են. շատը դարձած են (մահմետականացած). բայց քրիստոնէութեան սովորութիւնը կը պահեն, ժամոց եւ ողորմութիւն պակաս չեն ըներ. գրեթէ ամէնքը վարդավառին եւ վերափոխման կ'երթան եկեղեցին, մոմ կը վառեն եւ մատաղ կ'ընեն իրենց պապերուն հոգուն համար. Բոլորը հայերէն կը խօսին: Ասոնց մէկ մասը. Խոս-շո-նիլ է- Սիւրիշիէ գնացին.

¹ «Պատմութիւն Պոնտոսի որ է Սեւ ծով» վեներտ. 1819, յտկ. § 144, հմտ. նաեւ § 82:

Խո-ռ-ը-ն-ը- գնացողները + ռիստոնեայ հա-
ցին, եւն (էջ 97): Այս վերջինքս Ճանիկի
Համէնցիք են: Նոյն ասանին մասին կը
գրէ Բժշկեան. «Խո-ռ-ը-ն-ը աւան մօտ է
Զարշանպայի (— Հիրիկի կամ Իռիսի ծո-
վախառնունքի մօտ —) բնակիչներն են հայ
Համէնու եկած. եւ ամէնքը զինւոր զրված
որդւոց որդի. եւ ունին զօրապետ հայ
իշխան, որ զիրենք կը կառավարէ. մարդէ
ահ չունին. միայն Տէրէպէկին հետ պա-
տերազմ կ'երթան. եւ զօրաւոր մարդիկ
են» (անդ՝ էջ 49): — Իսկ Սիւրմէնէ
գացողները՝ որոնք քրիստոնեայ չ'մնացին,
ոչ իմէ այն քաղաքին մահմետական բնա-
կիւնքն են (— որոնք խառնուրդ են հայ,
յոյն, լազ եւն տարիւրաց, հոջակուած իրր
«ապստամբք եւ աւազակոյ», Ինճիլեան,
էջ 393 —) այլ անոր գաւառին եւ առ-
հասարակ Սե-Գեփի Հայերն են, որոնց
մասին այժմ քանի մը խօսք բսել պէտք է:

Սե-Գեփ (թրք. Kara-dere) կը
կոչուին այն ձորերը, որոնք՝ վերը բարձր
լեռնոտին վրայ Համէնի դրացի, վարը ծո-
վու կողմի գէպի Սիւրմէնէ կ'իջնան: Բաւ-
ական մեծ լեռնաշխարհ մըն է՝ բազմա-
թիւ գիւղերով, որոնց հայ բնակիչք նոյն-

պէս բռնադատուած էին իսլամանալ ժԸ դարուն: Բոյս չէ այցելած այս հովիտները. բայց կ'անուանէ զլիսաւոր ձորին քանի մը գիւղերն այն կարաւանուղոյն՝ որ հոս ծովէն ելլելով բարձր լեռնողը՝ կ'երթայ երկու օրւան մէջ դէպ ի Բաբերդ (Բոյս, ԼՁ 4—5): Բանասէր մը՝ Ս. Հայկունի այցելած է այս հայ-մահմետական գաւառը, հաւաքելով ազգագրական նիւթեր, մանաւանդ ի Թորոսլի¹ 1867—1868/ին, եւ ի Փերվան (Կիպիրտ Pervana) 1878/ին²: Արդ Ս. Հայկունի այս մահմետականաց մէջ ինք զինքը իբր հարազատ գիւղերու մէջ կը դանէր, ամենայն ինչ հայ՝ բարքն ու կենցաղն եւ հայերէն լեզուն՝ մեծէն մինչեւ փոքր: Այվլէն գիւղէ՝ «աշի» (= աշուղ) Վարդան, երգել մը յօրինած հայերէն երգերը, յատկապէս պարերգերը կ'երգէին հարսանիքներու ատեն, մանաւանդ ի Թըէյոյ, (այժմ՝ Ժիճլա, Կիպիրտ՝ Simla): Անցողակի նշանակենք

¹ Բ-ի՝ Dorosli, Կիպիրտ՝ Toroslu, բուն՝ Ս. Թորոսլի:

² Ս. Հայկունի. «Կորած եւ մոռցուած Հայեր. Սեւ-Պետաղիք», ի Թերթին «Արարատ». Էջ 1895. էջ 239—243 եւ 293—297. Բոյսի մահմետականացման մասը՝ հմտ. նաեւ Յ. Սեւանդեան եւ Հր. Ամարեան. «Հայոց նոր վկաները. 1155—1843», Էջ 1903. էջ 702—709. Տէր Կարապետ քահանայ Թորոսլիցի:

Թէ Խոսրջըոյ երգերու հաւաքման մէջ կայ հատ մը, զոր յօրինած է 1810ին Համէլնցի Կրճէլ աւագակը¹:

Արդ այս հայ գաւառին մահմետականացումն եղած է շատ արիւնալից կերպով, առաջնորդու թեամբ Սիւրմէնէցի Ղուռուֆօղլի Մէհմէտ ազդեցիկ մօլլայի: Ուղղակի զինեալ խուժանով յաջողած է ի վերջոյ հասնիլ Թորոսլի, եւ զարհուրելի կոտորածներով բռնադատած է նախ բոլոր (իբր 100) զիւղիրուն աւագները մահմետականալ, եւ այնուհետեւ մնացեալ հազարաւոր ժողովուրդը, որչափ չէր կրցած փախչիլ: Հազարաւորներ կրցած են փախչիլ անկոխ անտառներէն դէպի միւս մերձակայ գաւառները (Տրապիզոն, Բաբերդ եւն): Այս դէպքը տեղի ունեցած է 1708—1710ին, եւ անկէ ի վեր Սեւ-Գետի հոծ հայութիւնը մահմետականացած է: Նաեւ մերձաւոր՝ Եօմուրա շրջանին Մանտրա լեռան անտառաշատ կողիրուն վրայ կան այլեւայլ հայ-մահմետական զիւղեր, նոյնպէս ցայժմ հայախօս, մանաւանդ կանացի դասակարգը:

¹ Հ. Մարթիէ-Է. Հաֆեան, «Երգեր, առակներ եւն եւն Խոսրջըոյ», Տփղիս 1904, էջ 31:

Բնականապէս այսպիսի բռնութեամբ իսլամացած ժողովուրդ մ'երկար ատեն չէ՝ չէ կը մնար։ Այս բառով կը նշանակուին այս կողմերն անոնք՝ որ արտաքուստ ստիպուած են այլ եւս մահմետական մնալ, — որովհետեւ թուրքական եւ իսլամական օրէնքով իսլամացածի մը քրիստոնէութեան վերադարձի փորձն իսկ մահապարտութեան պատիժը կը կրէ։ — Բայց ներքուստ կը պահէ աւելի կամ նուազ երկար տեւողութեամբ յիշատակն անցելոյն եւ վառ ոգի մը ներքին քրիստոնէական եւ ազգային համոզման։ Մանաւանդ իգական սեռին մէջ, որ շփում չունի — նոյն իսկ իսլամական օրինօք — արտաքին մահմետական աշխարհի հետ՝ ի մասնաւորի այսպիսի կղզեացեալ հովիտներու մէջ շատ երկար կրնայ տեւել այսպիսի ոգի մը, եւ պահուիլ հայ լեզուն։ Մասնաւոր պարագայից մէջ յոյն Եկեղեցին յաջողած էր Տրապիզոնի նահանգին այլեւայլ բռնի մահմետականներուն մէջ, որոնք նոյնպէս մեծ թիւ կը կազմեն, այսպէս ի Կոստի, ծպտեալ քահանաներով, գաղտնի եկեղեցիներով վառ պահել ծածուկ քրիստոնէութիւնը։ Հայ Եկեղեցին՝ ինքնին անընդհատ հալածանաց մէջ՝ դիւրութիւն

չունէր, մանաւանդ այս դժուարամատոյց հովիտներուն մէջ այնպիսի սաստկոյ թեամբ գործելու: Այսու հանդերձ երբեք չեն պակսած հոս ալ, նախ յ/շէալ Տէր Կարապետի տնէն մինչեւ 1820, եւ յետոյ նաեւ 1840է ետքը առանձնական ուրիշ հայ քահանայք, որոնք ծալտեալ կ'երթային Սեւ-Գետ ու Համշ'ն. եւ եղած են «բէկներ» այս գաւառաց կիսանկախութեան շրջանին, որոնք զիւրութիւններ կ'ընծայէին: Համիտեան հալածանաց օրերէ ի վեր իրերն աւելի դժուարացած են. իսկ թուրքերը ջանացին վերջերս դպրոցներ բանալով մէկ երկու զլխաւոր տեղեր՝ հայ մահմետականները նոսեւ թուրքացընել: Ասոր աշխատած են ի մասնաւորի նաեւ Օֆի մեծ ու փոքր «մօլաները», որ փոքր քաղաքի բնակիչք թէեւ յունախօս մնացած են եւ ծեքածուռ թուրքերէն մը միայն գիտեն խօսիլ, շատ մոլեռանդ են, եւ իբր «մօլա» եւ իբր շրջուն քարոզիչներ՝ ջանացած են Պոնտական լեռնաշղթայի ամէն կողմը վերջնականապէս իսլամացընել եւ այն մահմետականացածները՝ որչափ կրնան՝ մոլեռանդ ընել:

Հայ լեզուի դէմ մտքառած են ար-

դիլելով եւ համոզելով թէ ուղղահաւատ մահմետականի համար մեղք է անհաւատի լեզուաւ խօսիլ: Ասի հին հնարք մըն է վերջնականապէս թուրքախօս դարձնելու մահմետականացած հայը, յոյնը, լսզը, քուրդը եւն: Բոլի նկարագրական միջադէպ մը կը պատմէ Արդուինի մահմետականացած վրախօսներու բերնէն, որոնք կը ցաւէին թէ ստիպուած են այսպիսի մեղք մը գործելու, քանի որ այն լեզուն մօր կաթին հետ ծծած են. բայց քանի որ խլամուլթեան «*«ո-րք լեզու-ն Ռ-ր+էրէնն ալ Գի-րէն»*, կը յուսան թէ իրենց մեղք չի համարուիր դրախտին մէջ, եւ «Աստուծոյ եւ հրեշտակաց անհասկանալի չին մնար» (Բոլի, էջ 167): Այսպիսի ըմբռնմանց տարածուելուն արդիւնքն եղած է ամէն տեղ լիովին թուրքախօս դառնալը, ինչպէս եղած է Արդուինի շրջակայքը՝ բոլոր մահմետականացածներու մէջ: Սակաւահոլ գաւառներու մէջ ի հարկէ տարածուած պանդխտութիւնը, զինուորական ծառայութիւնն եւ նման պարտադրեալ արական դասակարգը շփման մէջ կը դնեն թուրք տարրին հետ մեծ կենդրոններու մէջ (Կ. Պոլիս եւն): Եւ ասի կ'ազդէ անոնց թրքախօս

եւ երբեմն նաեւ մոլեռանդ ըլլալու: Այսպէս կը տարածուի թուրք լեզուն, զոր արդէն իբր պետական լեզու կը ստիպուին արք սորվիլ: Համէլէնի եւ Սեւ-Գետի կղզեացեալ դիւքը, ասոնց հին հակակրութիւնը մահմետական լազին եւ յոյնն ու թուրքին հանդէպ, որոնց հետ խնամո-լեան կապեր չեն հասարակեր, կրցած է այս գաւառները պահել վերջնական թրքացմանէ եւ հայ լեզուն՝ բոլորովին կորսուելէ: Ասի պիտի պատահի սակայն օր մը, եթէ շարունակեն արդի պայմանները եւ թուրք մահմետական բռնապետական վարչութիւնը, ինչպէս նոյնը պատահած է անթիւ ուրիշ տեղեր, ուր հայ եւ յոյն եւ ուրիշ ազգեր գոնէ արտաքուստ լիովին թրքացած են՝ նախ մահմետականալէն ետքը: Ի հարկէ նաեւ ուրիշ տեղերու ալ շարք մը կայ, ուր «թրքութիւնը» միայն արտաքուստ է:

Ուրիշ բռնութեանց շնորհիւ է որ այսօր կան ընդարձակ աշխարհներ, ուր մանաւանդ յոյն եւ հայ ժողովուրդը, թէեւ կրցած է քրիստոնեայ մնալ, թրքախօս եղած է, այնպէս որ թուրքերէնն ընտանեկան լեզու եղած է. ինչպէս որ ու-

նինք նաեւ շատ բազմաթիւ քրդախօս, արաբախօս եւ վրախօս հայեր:

Համէնցին, մահմետական թէ քրիստոնեայ, ունի ինքնուրոյն հայ բարբառ մը¹: Աճառեան, որ առանձին կերպով ուսումնասիրած է այս բարբառը 1910ին, կը շեշտէ թէ Համէնի եւ Սեւ-Գետի հայերը՝ «տասնեակ հազարաւորներ բռնի մահմետական դարձան եւ մինչեւ այսօր ալ կը համարուին տաճիկ, թէեւ իրենց հին հայկական սովորութիւններն եւ պապենի հայ բարբառը կենդանի կը պահեն», Համէնի անմիջական դրացին՝ լիովին հայ մնացած Խոտորջուր տարբեր հայերէն բարբառ մ'ունի, թէեւ նմանութեան այլեւայլ կէտեր կան:

Պոնտական շղթայիս այս հովիտները հիանալի են բնական գեղեցկութեամբ եւ յաճախ մրգաւէտ. բայց՝ մանաւանդ բարձրադիր անտառախիտ ձորերը՝ մշակութեան հող բաւական չունին: Այսօր բաց ի ծիախոտէ՝ զլիաւորաբար «լազուտ» (= եգիպտացորեան) է մշակուածը, հազիւ բաւական ժողովրդեան: Համէնցին կանխաւ իսկ ստիպուած էր գաղթել: Բայց մանաւանդ հա-

¹ Հմմտ. Հր. Ահուրեան, «Հայ Բարբառագիտութիւն», Մոսկուա 1911, էջ 184—198:

լաճանքներն ու բռնի մահամետականացումը պատճառ եղած են հազարաւորներու ապաստանելու ուրիշ տեղեր: Համէնցին եւ Սեւ-Գետցին ասով տարածուած են Տրապիզոնի շրջակայքէն սկսեալ մինչեւ Սամսոնի ու Սինոպի մօտերը, հիմնած են գիւղեր, ու Տրապիզոնի անմիջական կից հայ գիւղերն իսկ Համէնցեոց բարբառով կը խօսին: Նորագոյն ժամանակներս՝ նեղուած այս տեղեր ալ՝ նոր հոսանք մը սկսած է շատ աւելի հեռուները գաղթելու: Առանձնապէս Նիկոմեդիոյ շրջանին մէջ կայ Համէնցեոց բաւական գաղութ մը (1870ին սկսած Օրտուի շրջանէ եւ յետոյ՝ ուրիշ կողմերէ. համառ. այս մասին յատուկ երկս՝ Մինաս Գ. Դասապեան [Փարհար] “Հայերը Նիկոմեդիոյ դաւառին մէջ”, Պարտիզակ 1913. “Մանիշակ”, գիւղը հիմնուած է 1892ին, Արամ-գիւղը 1873ին եւն): Կարեւոր պարագայ մ’այն է որ հայ ու քրիստոնեայ Համէնցեոյն հետեւած է հայ-մահմետական Համէնցին, եւ հիմնած է նաեւ անխառն հայաթոս գիւղեր: Այսպէս Համէնցեոց Գեղած քրիստոնեայ գիւղին քով հիմնած են՝ “Աչնա սաշը”, մահմետական գիւղը, ուր արք իսկ հայերէն կը խօսին, որչափ ալ օտարներու առջեւ զգուշանան ասկէ. (— այս երեւոյթը

կայ ընդհանրապէս մահամետականացած Հայերուն մէջ. —) իսկ կանայք հայերէնէ զատ ուրիշ լեզու չեն գիտեր: Նոյնպէս հայախօս են Նէնիճէ եւ Գարա-Թառ-Գ զիւղերը, որոնց համչէնցի հայ-մահամետականք համչէնէ նախ գաղթած էին Լազաստանի խփէ քաղաքը, անկէ եկած են հոս: Նէնիճէի մօտ ուրիշ զիւղ մը՝ «Պաշ-Համչէնի», կը ցուցնէ թէ համչէնի գլխաւոր աւանէն էին իրենց նախնիք. բայց ստոնց միայն ծերերը տակաւին հայախօս են: Գասապեան կը գտնէր թէ «այս հայ մահամետականք շատ մաքուր հայերէն բարբառ մը կը խօսին, նոյն իսկ աւելի մաքուր քան Հայ-Լազերուներ», (Հմմտ. անդ, էջ 143—147, «Մահամետական հայեր», գլուխը): «Հայ-Լազ» ըսելով կը հասկընայ համչէնցի ու Սեւ-Գետցի հայքրիստոնեայ գաղթականները, յորջորջանք մը՝ զոր վերը մեկնեցինք:

Գաղթականութեան նոր հոսանք մը, մանաւանդ համիտի հալածանաց օրերէն վեր, ծաւալած է դէպի Սեւ-Ժովու կովկասեան ափերը, յատկապէս Սուխումի շրջանը: Համչէնցիք հիմնած են այլեւայլ զիւղեր եւ բազմաթիւ կայաններ, եւ իրենց ջանասիրութեամբ մշակած են խոպան հո-

ղիր, եւ ծաղկեցուցած մանաւանդ ծխախոտի մշակութիւնը: Ռուսական ծխախոտի այս կողմանց ծաղկման մէջ ղլխաւոր բաժինն ասոնք ունին: Ասոնց մասին ընդարձակօրէն գրած է Յ. Մուրատեան¹, որ Սեւ-Ժովու այս ափերը սփռուած Համշէնցւոց թիւը կը դնէ իբր 2500 տնէ աւելի, իբր 15.000 անձ: Ասկէ յամենայն դէպս շատ աւելի է Թուրքիոյ մէջ ապրող քրիստոնեայ Համշէնցւոց թիւը. միայն Տրապիզոնի շրջակայքն իբր 20 գիւղ կը հաշուին: Իսկ մահմետական եղածներուն թիւն ալ ի հարկէ մեծ է: Բուն Համշէնի համար Բոխ իւր ժամանակ կ'ըսէր իբր 8000 հոգի (Բոխ, էջ 25): Սեւ-Գետի եւ յարակից Եօմուրայի շրջանին մահմետականացած Հայերն արդէն այն ժամանակ գոնէ այնչափ ըլլալու էին: Ուրիշ աղբիւր մը մինչեւ անգամ Համշէնի համար իբր 10.000 տուն կ'ըսէ, Սեւ-Գետի իբր 6000 տուն, ո՛չ թէ անձ: Թուրքիոյ մէջ սակայն վիճակագրականք ընդհանրապէս գնահատական միայն արժէք ունին. կառավարութեան այն իբր թէ պաշտօնականք

¹ «Համշէնցի Հայեր ազգագրական նիւթեր», Տփղ. 1901. Նախ՝ «Ազգագրական Հանդէս», Գիւրքե.— Զ., 1898—1900:

ալ յաճախ կամայական ու դիտումնաւոր
են։ Տայոց աշխարհի մեր ուսումնասիրու-
թեանց առթիւ յաճախ գտանք այս մասին
փաստեր։ Յամենայն դէպս թէ քրիստոնեայ
եւ թէ մահմետականացած Համշէնցիք եւ
Սեւ-Գետցիք բաւական մեծ թիւ մը կը
կազմեն։

Գ.

Բաբերդ ու Սպեր։

Պոնտական լեռնաշղթային ջրաբաշխ
գագաթներէն սկսեալ դէպ ի հարաւ իջնող
ձորերուն ստորոտէն կ'անցնի Ճորոխ, որ Կարնոյ
մօտերէն բղխելով շրջան մը կ'ընէ մինչեւ
Բաբերդ, դառնալու համար դէպ ի Սպեր,
Բերդազրակ ու Արդուին եւ այնուհետեւ
դէպ ի Սեւ-Ծով։ Ընդհանուր առմամբ Սեւ-
Գետի թիկունքը կը վերաբերէր Բարձր-
Հայոց (Բաբերդ-Սպեր), Համշէնի թիկունքը՝
Տայոց (Արսեաց-փոր) գաւառներուն։

Բաբերդի եւ Սպերի, Բագրատունեաց
հայ թագակապ ասպետաց այս հին նիս-
տերուն¹ պատմութիւնը հին ու երկար է։
Այս տեղեաց հայ-մահմետականաց իրերն

¹ Հմմտ. Բուզ. Ե, Խդ. ու Խոր. Բ. լէ եւն։

ալ բաւական տարբեր էին անով որ այս տեղերը կանուխէն ոտնակոխ եղան Սելջուկեանց: Բայց նաեւ Բաբերդ ու Սպեր աւելի հրկար վայելեցին քրիստոնեայ վարչութիւն մը քան Հայաստանի շատ ուրիշ մասերը: Պրոկոպիոս Յուստինիանու շինութեանց (յաճախ աւելի վերանորոգութեանց) մէջ կը յիշէ նաեւ Բաբերդ, տակաւին հին ձեւով Բայքէրդ, Βαυβερδών գրելով (de Aedificiis, III, 4). մինչդեռ Գէորգ Կեղրենոս՝ թէեւ ձեւը կը պահէ, արդէն արդի արեւմտահայ արտասանութեամբ կը գրէ Παίπερτε¹, երբ կը պատմէ Վարդ Բոյլի (Bardas Boïlas) զրդած այն ապստամբութիւնը՝ որուն ձեռնարկեցին երկու սուազներ, Աղրիանոս Խաղտեցի (Χαλδαῖος) եւ Տաճատ Հայ (Τατζάτης ὁ Ἀρμένιος), որոնք տիրեցին բերդին. բայց այն ժամանակի նշանաւոր հայ զօրավար Յովհաննէս, բիւզանդացիներէն «Կուրկուաս», յորջորջուած (ὁ Κουρ-χόουας) շուտով ընկճեց ապստամբութիւնը (924ին): Տուղրիլի արշաւանքէն պատահաբար ազատեցաւ Բաբերդ: Սելջուկեան այս առաջին գրոհները հասած էին «մինչեւ

¹ Georg Cedrenus, ed. Bekker. Bonnae, 1839, Vol. II, p. 302.

ի լեառն որ կոչի Պարխար», «մինչեւ յանտառն Ճանկթոյ», եւ «որ ի Տայսն մտին, առեալ զերկիրն եւ հասեալք մինչեւ ի գետն մեծ որ կոչի Ժորոխ եւ զննի Գեփոյն դարձեալ իջին յաշխարհն Խաղտեաց, եւ առեալ զառ եւ զգերի գաւառին՝ դարձան, եւ եկեալ մինչեւ ի բերդաքաղաքն որ կոչի Բաբերդ», բայց «հանդիպի եւ անդ գունդ մի ի զլրացն հռոմոց որ կոչին փրանկք, որք յանդէտս ի դիմի հարեալք ճակատեցան», Փրանկ վարձկանազօրը յաղթեց եւ «զառ եւ զգերի զամենայն թափեցին», եւն (Արիստ. Լաստիվիրտացի, գլ. ԺԶ): Ասի եղած է 1054ին: Բայց Սելջուկեան հեղեղը ի վերջոյ ողողեց հոս ալ: Եւ Բաբերդ միջոց մ'եղած է մինչեւ անգամ նիստ Սելջուկ ամիրայից: Բերդը վերանորոգած է Աբուլ-Հարիս Տուղըլ՝ Ղոնիոյ տնէն, Լուլու հազորապետին ձեռօք, 1213ին, ինչպէս արաբական արձանագրութիւնք կը ցուցնեն¹: Իրերը լաւ կը բացատրէ՝ ի միջի անթիւ այլոյ՝ պատմականօք լի յիշատակարան մը

¹ Հմմտ. C. F. Lehmann-Haupt, Materialien zur älteren Geschichte Armeniens etc., Berlin 1907, p. 125 ff. Max v. Berchem, Arabische Inschriften aus Armenien etc., յատկապէս՝ p. 152 ff. Baiburt.

ձեռագիր Ճառընտրի մը, որ 1204ին գրուած է, եւ որուն ստացիչն էր Աստուածատուր «ռայիս (պետ ազգայնոց) Բայբերդոյ»¹, Սպերի մասին ալ, որուն պատմականը չ'ենք ուզիր ընել, կը բաւէ յիշիլ նոյն իսկ Վրական Տարեգրոց երկարօրէն պատմածը Վախթանգայ Գ. օրերուն համար (1301—1307)։ Թէ վաչկատուն թուրքերու մեծ բազմութիւն մը՝ առաջնորդութեամբ «Ազատ-Մոսէ», անձին, իբր 60.000 հոգի, ամառները կ'ողողէին Պարսաւար լիւնները, կ'ասպատակէին ի Տայս եւ աւելի հեռուները, իսկ իրենց ձմերոցն էր «Պոնտոսի մօտերը», յատկապէս «Սպեր եւ Բաբերդ»², եւն։ Սպեր ու Բաբերդ ԺՆ. դարու մէջ Պարսից եւ Օսմանցւոց յաճախակի պատերազմաց ասպարէզ եղած են եւ հրոյ, սրոյ ու գերութեան մատնուած։ Օսմանցիք զԲաբերդ առին 1473ին։

Սպեր ու Բաբերդ ուրեմն երկար ժամանակ ունէին մահմետական բռնութիւն կրելու, եւ կրած են ամէն տեսակ ինչպէս ամէն ուրիշ կողման հայերը։ Անթիւ փաստերու մէջ յիշենք հատ մը, զոր տեղւոյն

¹ Հմմտ. Հ. Ղեւոնդ վ. Աւետի, «Հայապատում», վ. Կենտրին 1901, էջ 448—451։

² Հմմտ. Brosset, Histoire de la Géorgie etc., Pétersbourg 1858, Vol. I, 1, p. 626—630.

գաղթականք հետերնին տարած են Զաւա-
խի Ճաւճղա գիւղը։ Մաշտոցի մը յիշատա-
կարանը՝ գրուած է 1694ի, ուր կը նկարա-
գրուի թէ «իբրեւ զնաւ մըրկեալ եւ ալե-
կոծեալ կայսք ի ձեռս անօրինացն եւ գա-
զանաբարոյ բռնաւորացն», որոնք «անխտիր
թալանէին եւ կողոպտէին¹», եւն։ Հակառակ
այս ամէնուն նոյն միջոցին՝ ժէ դարուն վեր-
ջերը գրող Յակոբ Կարնեցի, որ իւր ժա-
մանակի Կարնոյ օսմ. ընդարձակ փաշայու-
թեան երկիրներուն մասին համառօտ՝ բայց
հետաքրքրական տեղագրութիւն մը կը
գրէ, Բաբերդի գաւառը կ'որակէ «քաղցր
եւ համեղ երկիր եւ Հայոց բնակարան».
բնակիչները՝ «մարդասէրք եւ հիւրընկալք
քրիստոնեայք», իսկ Սպերի գաւառի մասին
կը գրէ թէ «բնակիչք երկրին բովանդակ
Հայք».
բայց նաեւ թէ «եկեղեցիք բազում,
որ այժմ աւերեալ եւ ամայի կան ի ձեռս
Տաճկաց»,²։ Արդէն այս էր Թուրքաց ոճը, ուր
ոսք կը կոխէին, գրաւել նախ վաճքերու,

¹ Լույսիւն, Զաւախք. 314—315։

² Յիւսէ Կարնեցի. «Տեղագիր Վերին Հայոց», հրտ.
Կ. Կոստանեանց։ Էջ. 1903, յտկ. էջ 15—17։ Գաղ.
Թրգմ. Erzeroum ou Topographie de la Haute-Ar-
ménie. Texte arménien de Hakovb Karnetzi etc.
traduit et annoté par Frédéric Macler, Paris 1919.

եկեղեցեաց, բայց նաեւ առանձնական ընդարձակ հողերը, տալով Եւնիչէրիններու եւ այլոց, որոնք մէկ մէկ բէկ ու բռնապետ կ'ըլային գիւղերուն վրայ: Բռնի մահմետականացման զլսաւոր ազդակներէն մին էր այս:

Այսօր իրերը մասամբ փոխուած են անով որ Բաբերդ ու Սպեր մասնակցած են Կարնոյ նահանգին այն մեծ գաղթականութեան, որ տեղի ունեցաւ 1828 ի ռուս-թրքական պատերազմէն ետքը, (Ռուսք առին Բաբերդն ալ, բ'րդը կործանեցին,) դիմելով դէպի Ախալքիսա եւն: Գաղթին առաջնորդն էր Կարնոյ Կարապետ եպիսկոպոսը, որ հայրենեօք էր Հունուտցի: Սպերի այս մեծ ձորը՝ Հունուտ՝ այսուհետեւ մեծամասնութեամբ մահմետական եղած է. բայց զոնէ մնացած է հայ հասարակութիւն մ'ալ բաւական թուով, թէեւ փոքր՝ համեմատութեամբ մահմետականացածներուն: Բաբերդի գաւառը հողագործութեան յարմար ըլլալով՝ թուրք կառավարութիւնը հոն զեռեղած է գիտմամբ մաս մը Կովկասէ եկած գաղթականաց, որոնց շատը 1878 ի պատերազմէն ետքը Ռուսաց ձեռքը մնացած Կարսի շրջանէն են: Բաբերդի մահմետականաց մէկ

մասն ուրեմն նոր եկուոր եւ օտար է, միւս մասը՝ հայ-մահմետական: Բաբերդ բազմաթիւ հայ գիւղերով հայաշատ գաւառ մը մնացած է. եւ ասոր համար Երիտասարդ թուրքերու առանձինն կատաղութեան զոհ եղաւ 1915ի տարագրութեան ատեն, որոնք հոս ուրոյն կոտորած ալ կազմակերպած են¹:

Ընդհակառակն Սպեր՝ թէեւ միգաւէտ ու արօտաշատ, բաւականաչափ մշակելի հող չունի. ուստի հոս եկուոր օտար մահմետական շատ քիչ է: Հայ գիւղերը, թէեւ թուով բաւական բազմաթիւ, յիշեալ դաղթականութեան շնորհիւ նուազ մարդաշատ են: Հայերէն ձեռագրաց քիչ հսւա. քածոյ կայ, ուր չգտնուին ձեռագիրներ՝ ինչպէս Բաբերդի, նոյնպէս Սպերի բազմաթիւ եկիւղեցիներն ու վանքերը գրուած: Ասոնց մեծ մասն այժմ աւերակ կամ ամայի է, եւ ուր կանգուն մնացած՝ յաճախ յարակից գիւղն արդէն մահմետականացած է: Կը բաւէ օրինակ մը: Չեռագիր Յայսմաւուրք մը, որ Սպերի Այգեձոր գիւղը կը գտնուի,

¹ Հմմտ The Treatement of Armenians. Documents presented etc. by Viscount Bryce. London 1916, p. 4, 13. 242ff.

ղրուած է 1687ին «ի Սպեր գաւառ, յանապատս որ կոչի Բարչոյոս-Վան», Այս վանքն ի հարկէ նոյն է Սպերի նշանաւ որ վանքին՝ Ս. Յովհաննու հետ. վանքը բնականապէս մնացած է, բայց Բարձոր արդէն մահմետական եղած է¹: Վանքին մերձաւոր արծաթի հանքերը, զորոնք Նիպերտ ալ քարտիսին վրայ կը նշանակէ, ի հարկէ շատոնց լքուած էին Բոխի անցած ատեն, որուն ըսած էին թէ անոնց շահագործողները յառաջ եղած էին մերձակայ Բարձորի եւ Տշաձորի (Բոխ՝ Dischadzor, Ն. Dischandzor) գիւղերու հայերը: Բոխ ալ՝ ուրիշ դիտնոց պէս՝ այն կարծիքէն է թէ հոս փնտռելու ենք այն ոսկեհանքը «Սիսպիրիդիս» գաւառի (ἐν Σισπρίτιδι) (յամբալա տեղւոյ մօտերը (κατὰ τὸ Κάμ-βαλα), ուր Աղեքսանդր Մեծ խաւրեց Մեմֆնոն զօրավարը՝ ոսկին առնելու, ինչպէս կը գրէ Ստրաբոն (c. 529—530): Սակայն հաւանօրէն բոլորովին ուրիշ կողմ փնտռելու ենք այն տեղը: Այս ամէնն՝ ինչպէս Բոխի այն կարծիքը թէ արդի Սպերի տեղն ըլլալու է Նամբալա, հոս քննութեան

¹ Հմմտ. Մ. Սանտեան, ի թերթին «Արեւելք»,
թ. 5579:

չենք առնուր¹։ Որչափ ալ բաւական ծանօթ է Սպերի պատմութիւնը հայ եւ լիւզանդեան աղբիւրներէ (Բիւզանդեանց ժամանակ ալ Սպերի Բագրատունիք քանիցս դեր խաղացած են), կան բնականապէս՝ ինչպէս մեր հայրենեաց քիչ շատ ամէն կողմ՝ բաւական մութ կէտեր։ օրինակի համար թէ ո՞ւր էր Բագրատունեաց «Արամանեակ», բերդն ի Սպեր (Թովմ. Արծրունի, Պտմ. Գ, ժգ)։ Խնդիր մըն է նոյնպէս թէ ի՞նչ է այն «Նոր-քաղաք (Nor-kalak) զոր վրական Տարեգիրք՝ վերը յիշուած պատմութեան մէջ՝ ուրոյն կը յիշեն, երբ օրինակի համար կ'ըսեն թէ «Թուրքերէն միայն ոմանք փախան Սպերի քաղաքն ու բերդը, ուրիշներն ի Նոր-Քաղաք», եւ այս վերջինը Բեկա Սպերէ վերադարձին աւերեց²։ Ի հարկէ «քաղաք» շատ խիստ մտօք առնելու չէ այսպիսի աղբիւրներու եւ այս ձորախիտ տեղերու համար։

Երբ Բոխ Սպերէ կ'անցնէր, թուր-

¹ Քիչ բաւական ընդարձակ նկարագրած է Սպերի «նաեւ արդի աւերակաց մէջ մեծագործ բերդը», ինչպէս նաեւ իւր ուղղոյն վրայ եղած մասերը. հմմտ. էջ 33—57, Սպեր այցելած են ուրիշներ ալ։

² Brosset, աՆԴ, էջ 629—630։

քերը նոր ջնջած էին անոր կիսանկախ իշխանութիւնը, եւ ուղղակի թուրք վարչութեան ենթարկած, բայց տակաւին ըմբոստ էր ժողովուրդը: Միւս կողմանէ իւր անցած գծին վրայ դէպ ի Կարմիր՝ Նաղիոյ հովիտը (Զոխ Sagus, Կ. Zagos) նոր մահամետական եղած էր (Զոխ, էջ 55): Հակառակ այս ամէնուն՝ այսօր ալ Սպերի գաւառը հայ նկարագիրը պահած է նաեւ անով որ գիւղերու, լեռանց եւն բոլոր անուանք հայկական մնացած են: Շարք մը նշանակած է Կիպիրտ ալ, ուր՝ թէեւ ոմանք ծանօթ թրքական աղաւաղմանց ձեւով են՝ ինքնին կը հասկցուին հայ անունները: Երբ օրինակի համար Պարիսարի լեռնաշղթային մէկ մասին՝ Ծէմիլի թիկունքը՝ իբր անուն կը կարդանք Kara Gtur-Dagh, հոս թրքերէն “Գարա,, (սեւ) գործ չունի. այլ՝ ինչպէս, gtur“ իսկ կը ցուցնէ, հայ Վառաչաւոր անունն է: Նոյնպիսի է ի միջի այլոց Ծորոխի վրայ Արսիս գաւառի Kara Garmütsh գրուածը, որ “Բարախարձոնջ,, է նոյն իսկ տեղւոյն այժմ մահամետականացածներուն բերանը: Ասոնց նման շատ են աղաւաղմունք ամէն կողմ, որուն պատճառն ոչ թէ հայ-մահամետականք են, որոնք

ուղիղ պահած են անունները, այլ թուրք
պաշտօնէութիւնը, որոնցմէ կը քաղեն
ուղեւորք իրենց տեղեկութիւնները:

Դ.

Կիսկիմ եւ Թորթում:

Սպերի գաւառէն անդին՝ Ծորոխի ըն-
թացքին վրայ, երկու ամիսնոց հովիտները
պարունակելով, կը գտնուի Հայաստանի
Տայոց նահանգին հիւսիսային գաւառը
«Արսեացփոր առ Պարխար լեռամբն, ընդ
որ իջանէ Վոհ (= Ծորոխ) գալով ի Սպե-
րայ» (Խոր. Աշխ.): Այսօր ալ թէեւ պաշ-
տօնական կենդրոնը կը համարուի Կիսկիմ
(Կ. Kiskin), թուրք վարչութիւնն իրական-
ին փոխադրուած է մերձաւոր Արսի (Կ.
Ersis), այնու որ աւելի իսլամացած է:
Քոխի այցելած ատեն, որ երկար նկարագրած
է հոս ալ իւր ուղին¹, կիսանկախ գաւ-
առիս կենդրոնն էր՝ Ծորոխի ձախ ամին վրայ
Բերդագլու, որ Յակոբայ Կարնեցւոյ քով
տակաւին կը գրուի «մինչեւ ի Բերդ
Ագլու» (էջ 17): Կիսկերտի քով անունն
եղած է Pertekrek, Քոխ՝ Pertakrek:

¹ Հմմտ. Բ. Ի., էջ 57—100, 181—182:

Եթէ մեր պատմութեան մէջ Սպեր
 Բագրատունեաց գաւառ կը համարուի,
 Տայք ալ յաճախ կապուած են Մամիկո-
 նեանց տան հետ: Նոյն իսկ վերը յիշուած
 Հմայեակ Մամիկոնենի դէպքը՝ ճիշդ այս
 տեղ Ոորոխի վրայ պատահած, արդէն վկայ
 է: Կը բաւէ դարձեալ յիշել մեր պատ-
 մութեան ուրիշ միջադէպ մը: Երբ Հայր
 մարգարէի սաղրեւով Ռշտունեաց եւ Ար-
 ծրունեաց տոհմերն անձեռ կ'ըլլային, Ար-
 տաւադդ եւ Վասակ Մամիկոնեանք այն
 տոհմերուն ստնդեայ մանուկները «մէն մի
 յանթի հարեալք՝ ի դուրս գնացին», եւ «չո-
 գան յաշխարհն իւրեանց յամուրս Տայոց.
 եւ անդ նստան», եւն (Բուզ. Դ, Ժը. Դ,
 բ): Ուրիշ բերդ մ'ալ քիչ մ'ետքը կը
 յիշենք: Յետոյ Մամիկոնեանք անհետ կ'ըլ-
 լան աշխարհէս, եւ հոս ալ կը տիրեն Բագ-
 րատունիք: Այսօր հին հայկական այս գաւ-
 առը գոնէ խառն բնակչութիւն ունի: Նախ
 Հունուտի եւ Համշէնի անմիջական դրացին՝
 Քաջքարի հարաւային ստորոտը տաքածուող
 ընդարձակ ձորաշխարհը՝ Խոփքոյն ան-
 խառն հայկթղ. գիւղախումբ մըն է, «Եօթն»
 իրականին շատ աւելի բազմաթիւ գիւղե-
 րով: Այստեղ եւ ոչ անձ մը կայ մահմե-

տական. (Կիպերտի քով բաւական անորոշ
 գծուած է „Dörfer von Chodutshur“
 ընդհանուր խորագրով): Նոյն քարտէսն աս-
 կէ սկսեալ ամբողջ վերին լեռնամասը դար-
 ձեալ ընդարձակ սպիտակ բիծ մը միայն կը
 ներկայացընէ: Խոտըրջոյ մաս կրնանք ըսել՝ ան-
 կէ Երանաւող լեռնով բաժնուած Կ. «Խո-
 տուջուր-Տաղ, անյատուկ անուամբ, յարա-
 կից Մօխլի-« որ նոյնպէս հայ-կաթ. է երեք
 գիւղերով. եւ գրեթէ անխառն է, դոյզն
 մահմետականացած թաղ մ'ունենալով.
 (Կիպերտ՝ „Machurgur“ անձիշդ, քիչ
 մ'աւելի մերձաւոր Բոխ՝ „Mogurgut“):
 Ասոնց դիմաց՝ Ճորոխի աջ ափին վրայ՝ նոյն-
 պէս անխառն հայ-կաթղ. է Կարմիր+
 (Կիպերտ եւ Բոխ միշտ կը գրեն „Kar-
 menik“), այն գիւղն՝ որուն համար Բոխ
 լսած էր թէ „Firengi“ (փրանկ) գիւղ
 մըն է, բայց բնականապէս հայեր էին հոն
 միայն: Իրաւամբ կը գիտէ Բոխ թէ «Ասիոյ
 մէջ ազգերն յաճախ իրենց կրօնքին հա-
 մեմատ կը զանազանուին քան իրենց ազ-
 գութեան»: Ով որ Յունաց, Հայոց եւ
 Վրաց մէջ իրեն կրօնին հաւատարիմ մնա-
 ցած է, այսպէս ալ կը կոչուի միշտ. բայց
 ով որ մահմետական եղած է, Թուրքիոյ

մէջ Օսմանլի հռչակեալ անունը կը կրէ՝ եւն: Կարմիրքի “Firengi հոս կաթողիկեայ (Katholik) մտօք հասկնալու է” (Քոխ, էջ 57—58): Հայ է նոյնպէս Առաքել: Ճորոխի երկու ամիսնց վըայ՝ այս ամբողջ զուտ հայ գիծը բաւական մեծ բնակչութիւն ունի: Մնացեալ ձորերէն՝ մաս մը խառն բնակչութիւն ունի հայ-քրիստոնեայ եւ հայ-մահմետական (գլխաւորաբար Նիխաղ, Որջնհաղ, Կիսկիմ, Փրթիկներ եւն, այժմ նաեւ Արսիս): Միւսները դժբախտաբար լիովին մահմետականացած են:

Կիսկիմ (հին Բերդագրակ) գաւառի այս մահմետականացումն ալ տեղի ունեցած է ժԸ դարուն վերջերը: Խնձիճեանի գրած ատեն Բերդագրակի եկեղեցիները տակաւին կանգուն էին. եւ ձորի մը բնակիչք “նորոգ տաճկացան” (էջ 133): Նոյնպէս պատմած էին Քոխի նոյն իսկ մահմետականացածները: Գաւառիս այս մահմետականք, կ’ըսէ, ժԸ դարուն վերջերը տակաւին քրիստոնեայ էին. եւ գաւառին կիսանկախ իշխանը՝ ինկած էր հաւատոց համարւղած կռուին մէջ. որդին՝ մանուկ տիօք Կ. Պոլիս տարուած՝ մահմետական կրթուած էր. եւ դարձած իւր հայրենի իշխանութեան:

Ասոր քով հիւր եղած էր Բոխ: «Ժողովրդեան մեծագոյն մասին դարձին (ի մահմետականութիւն) սկզբնաւորութիւնն եղած էր *Իսրայիլ* մը, ինչպէս ամէն տեղ՝ ուր Մահմետի վարդապետութիւնը պիտի մուծուէր», (Բոխ, էջ 75):

Բոխի անցած ատեն Ճորոխի գծին այն մասը, որ Թորթումի-ջրոյ Ճորոխ թափուելէն ետքը դէպ ի Արդուին կ'երթայ, տակաւին կը վերաբերէր ուրոյն ընդարձակ գաւառի մը, որուն կենդրոնն էր նոյն Արդուին (Բոխ, էջ 81—82): Ինճիճեան երկու գաւառ կը բաժնէ, Արդուին եւ Պարխալ (Ինճ., էջ 124, 130—132): Յամենայն դէպս գոնէ Ճորոխի բուն հովիտը մինչեւ Արդուինի մօտերը՝ Տայոյ կը վերաբերէր: Եւ այստեղ՝ Ճորոխի աջ ափին վրայ է արդի մահմետականացած գիւղը *Իշիան* (Կիպերտ՝ Irchan). Կիպերտ այստեղ նշանակած է իրաւամբ Մամիկոնեանց *Իշիանի* բերդը, որուն մասին մեր հին պատմութիւնն ողբերգական դրուագ մը պահած է (Փաւստոս Բուզ. Դ, Ժը): Պատմագրին խօսքը կը ցուցնէ թէ Մամիկոնեանք Ճորոխի այս կողմն ալ մեծ կալուածներ ունէին: Որովհետեւ Վասակ Մամիկոնեան իւր գնդով

կը գտնէր իւր եղբայրը զՎարդան Մամիկոնեան հոն « յիւրո՞ճ գաւառին ի Տայո », յիւր ամուր բերդին՝ որում անունն Երախանի կոչի » : Հայ անունները կը հասնին յամենայն դէպս գոնէ մինչեւ Արդուին : Այս կողմերը կը սահմանակցէին նաեւ Տայոց նահանգն ու Գուգարաց նահանգի Կղարջք գաւառը : Արդուինի մօտերէն սկսեալ, ինչպէս սահմանադրութիւններու բնակչութիւնը սովորաբար կ'ըլլայ, արդէն հին ժամանակ խառն բնակչութիւն մը գտնուած ըլլալու է : Արդուին այսօր հայ քաղաք մըն է . բայց դէպ ի ծով շրջակայ մահմետականաց մեծ մասն այլ եւս հայ-մահմետական չէ :

Տայոց աշխարհի միւս բոլոր գաւառները (— բաց ի Կողէ, որ Կուրի ականց վրայ է, —) կը գտնուին այն երկու գետոց աւազաններուն մէջ, որոնք այսօր ընդհանուր առմամբ կը կոչուին Թորթումի-ջուր եւ Օլթիի-ջուր : Ասոնք լեռնագծով մ'իրարմէ բաժնուած՝ ուրոյն եւ ուրոյն կ'ընթանան . բայց ի վերջոյ կը միանան եւ իբր մէկ գետ Ճորոխ կը թափուին, գրեթէ այնչափ շատաջուր՝ որչափ Սպերէ եկող Ճորոխն է : Թորթում գաւառին կը վերաբերի հաքաւային երեսն այն լեռնագծին, որուն հիւ-

սխալային երեսը Նիսկիմի գաւառին է, եւ ուր կը գտնուին Ճորոխի աջ ափի բոլոր հովիտները, զորոնք յիշեցինք: Այս լեռնագիծը կը կոչուի Հալէ-ոյ (— Նիպերդ չունի անունս —) այն գլխաւոր լեռնանցքէն առեալ, ուսկից կ'անցնէր հին ուղին ալ՝ իջնալով Ընկուզեկի (Ն. „Jüngüzek“) ձորէն դէպ ի ձորաբերանը կեցած սեպաբերձ համանուն բերդը, որ Թորթուլի գլխաւոր հովտին մէջ է: Անցողակի նշանակենք որ այս կողմերը ձորաբերանները “Դուռ,, (“Չորդուռ,,) կոչել սովորութիւն է: Ռազմագիտական տեսակիտով վերջերս շինուած էր խճուղի մը, որ Կարնէն կ'անցնէր Կարնոյ-կիրճը, եւ Զարեկ լեռնանցքը ելլելով՝ կ'իջնար Թորթուլի գլխաւոր հովիտը, դէպ ի Արսիս հասնելու դիտաւորութեամբ: Այս գլխաւոր հովիտը կը սկսի այն լեռնաշղթայէն, որ Կարնոյ դաշտը հիւսիսէն կը պատէ, հնութեան Կապոյտ լերինք, այժմ՝ Թուրքերէն Դումլի կոչուած, Հայերէն՝ Եփրատայ աղբերականց մասին աւանդութենէ մ'առեալ՝ Խաչափայտի լեռներ: Ասոր գագաթներէն, որ ջրաբաշխ են Եփրատայ եւ Ճորոխի, Թորթուլ կ'երեւայ իբրբարձր լեռներէ պատուած աշխարհ մը, որուն

բոլոր ձորերը՝ բարձրագիւր եւ երբեմն բաւական ընդարձակ լեռնադաշտերէ իջնալով՝ ի վերջոյ կ'իջնան այն գլխաւոր հովիտը, որ ընդհանուր առմամբ հարաւ-արեւմուտքէն դէպ ի հիւսիս-արեւելք կ'ընթանայ։ Հովտիս գետը՝ Թորթումի-ջուր, որ կը հաւաքէ բոլոր ձորերուն ջրերը, ի վերջոյ կը կազմէ Թորթումի գեղեցիկ լիճը, որ կապմուտ երկրաշարժով մը, Խարս լեռան մէկ մասին փլուզմամբ՝ փակելով ձորին ընթացքը։ Ժովակին խորագոյն մասն է Նօփէ (Կ. „Chyk“) գիւղի մօտ։ Զուրն ասոր վրայէն իւր ճամբան բացած է, եւ կը ձեւացընէ աշխարհիս ամենագեղեցիկ եւ բարձրագոյն ջրվէժներէն մին՝ Թեւ հայ գիւղին մօտերը։ Եւ անկէ ետքը կը միանայ Օլթի-ջրոյն հետ։

Հին պատմական աշխարհ մըն է, ինչպէս միւսներն ալ՝ զոր յիշեցինք, լի կանգուն ու աւերակ եկեղեցիներով, հին բերդերով եւն։ Ի զուր չէ որ մեր նախնիք քանիցս կը կրկնեն «ամուրք Տայոց», բացատրութիւնը։ Բարեբախտութիւն է որ մահմետականացման ատեն ամբողջովին կամ մասամբ մզկիթի փոխուելով՝ կործանմանէ ազատած են, հին եկեղեցիներ, մինչդեռ Օլթի-ջրոյ աւազանին Բանակսի կամ Բանասկերտի հոյա-

կերտ եկեղեցին Բոխի ատեն տակաւին կանգուն, բայց ամայի լքուած (Բոխ, էջ 243 — 246), այժմ աւերակակոյտ մըն է: Բոխ այս եկեղեցին կը կոչէ «ամենագեղեցիկն ու ամենավսեմն, զոր այս տեսակին տեսած եմ ամբողջ արեւելքի մէջ, Կ. Պոլիսն ի բաց առեալ»: Ասի կը յիշեցնէ արդէն կանուխէն Յակոբայ Կարնեցւոյ գրածը որ կը յիշէ «մեծամեծ վանորայք» այս ձորին «ի գիւղն Խախու, Ոշկ, եւ Իշխան, ոչ յար է— նման ոչ Բոյ նոցա, բայց թէ լինի միայն Սուրբ Սոփի ի Կոստանդինուպոլիս» (էջ 17): Իշխանի մասին լսած էր Բոխ ալ թէ Բանակսի եկեղեցւոյ նման՝ բայց աւելի մեծ է: Ինքը չէր կրցած այցելել: Իշխան գիւղը կը գտնուի Թորթուս-Ջրոյ Օլթի-Ջրոյ հետ միացման կէտին մօտերը. եւ պատմութեան մէջ («Իշխանաց-գիւղ») անով աւելի կը յիշուի որ ասկէ էր Ներսէս Գ. կաթողիկոսը (641—661) «Շինող» կոչուած, նշանաւոր իւր եկեղեցեաց շինութեամբ, ի մասնաւորի «Զուարթնոց» ի, եւ կաթողիկոսանալէն ետքն ալ միջոց մը հոս վերադարձած ապրեցաւ¹: Ոշկի

¹ Իւր շինութեանց եւ Իշխանի եկեղեցւոյ ալ մասին համեմատէ այժմ Jos. Strzygowski, Die

(Կ. Oshk) գեղակերտ շինութիւնք ոչ թէ բուն գիւղին մէջ են, այլ անոր ձորին վերնակողմը, յՈշկ-Վան¹ (այսպէս կը կոչեն նաեւ տեղացիք, Կ. լոկ „Vank“): Գեղաշէն եկեղեցին թէեւ կանգուն՝ արդէն փաստաւոր է, նոյնպէս միւս գեղեցիկ շինութիւնք, ի մասնաւորի շիրիմ-մատուռներու շարք մը, որոնք իբր բնակարան եղած են այսօր: Ոշկ (ոչ թէ „Ողկ“¹) նոր ձեւ մըն է. այս անուանս հնագոյն ձեւը կը յիշուի պատմութեան մէջ՝ Աշունք²: Ամենագեղեցիկն է Խախտաւոր, եկեղեցին՝ երբեմն նշանաւոր ուխտատեղի, Վիսիկ (Կ. Vychyk). հովտին կողմնակի ձորոյն սկիզբը: — Գեղեցիկ է նաեւ եկեղեցին յԱգրեկ (Կ. „Ekrek“). Թողլով յիշել ուրիշ նուազ կարեւորները: Եթէ փաստի պէտք ըլլար՝ ասոնք առանձինն կը բաւէին ցուցնելու թէ ինչ շէն քրիստոնեայ աշխարհ մըն էր: Կերեւայ թէ յԱգրակ 1455 ի գրուած

Baukunst der Armenier und Europa, Bd. I—II, Wien 1918, p. 108 ff., 486 ff., 682 ff.

¹ Յակոբ Կարնեցւոյ հրատարակութեան մէջ սխալ տպուած է „Ողկ“. ասկէ Macler (p. 24) շփոթելով կարծած է թէ նոյն ըլլայ „Ուլան“ բերդին հետ: Բայց Ողական Արածանւոյ վրայ է ի Տարօն:

² Վարդան պատմ., տպ. Վենետ. 1862, էջ 85:

ըլայ այն Աւետարանը, որ իբր գաւառներ կը յիշէ «ի գաւառս Խախոսայ եւ Թորթոմայ»:¹ Ասոնք ուրիշ անուններով կը համապատասխանեն հին գաւառներու Աղարդայ-ժոր եւ Ուտղէ: Առաջնոյն անունը պահած է այսօր ալ համանուն գիւղը՝ Աղարդ (Կ. «Azor»): Անցողակի նկատենք թէ տարօրինակ կ'ըլլար՝ ինչպէս ըրած են բանասիրաց ոմանք, ասոր հետ կապել «աշխարհն Աղբի» (կամ Աղբի) եւ «ամուրն Հաւաճիլ» (Արիս. Լաստիվերտացի. ԳԼ, Ա, եւ ԺԸ, Ստեփաննոս Ասողիկ Գ, խգ) ուղղելով «Աղարդի»: Եթէ Վասիլ կայսեր բանակը մինչեւ այս խորաձորը հասած էր, ի՞նչպէս յանկարծ այնուհետեւ «անցանէ ընդ Հարք եւ ընդ Մանազկերտ» (Լաստիվերտացի) եւ ի՞նչպէս հոս կու գար, երբ ճամբան էր «ընդ մէջ Հաշտենից, Ժովաց եւ Խորձենոյ» եւ «հասանէ ի գաւառն Արշամունեաց», անկէ՝ Հաւաճիլ (Ասողիկ): Դսկ Ուտղէ այսօր մոռցուած է. անոր տեղ բռնած է Թորթոմ, որ անուն էր բերդին եւ անոր ոտքն եղող փոքր գիւղաքաղաքին կամ աւելի՝ աւանին: Ասի այժմ կենդրոն

¹ Հմմտ. Ղեւոնդ Վ. Փիրղալեմեան. «Նօտարք Հայոց», Կ.Պ. 1888, թ. 204, էջ 179:

ըլլալով՝ իւր անունը տուած է ամբողջին՝
Թորթումի:

Ինճիճեանի գրած ատեն՝ «պատմի
զնախկին հայկազուն բնակչաց Թորթումայ
թէ ձանձրացեալք ի բռնութենէ եւ ի
զրկանաց, դարձան առ հասարակ ի կրօնս
տաճկաց»¹ իսկ գիւղերն՝ «ըստ մասին բնա-
կեալ ի Հայոց եւ ըստ մասին ի Տաճկաց»
(էջ 93—94): Այսօր իրերն աւելի յոռե-
ցած են. բայց եւ այնպէս այսօր ալ այս
աշխարհը գոնէ խառն բնակչութիւն ունի.
եւ հայ գիւղերու շարք մը կայ, մասամբ
խառն՝ մեծ մասամբ անխառն բնակչու-
թեամբ, գաւառին ամէն կողմը, գիւղերէն
ոմանք նաեւ մեծ բնակչութեամբ: Այսպէս
Խաթուտակաւին մեծաւ մասամբ հայ է:
Բայց մինչ Ապրնէս (Կ. Abernes) հայ է,
այլ եւս չէ դիմացի Բյիսա մարդաշատ
ձորը (Կ. Kyscha): Տակաւին 1880 ի յօ-
րինուած վիճակացոյց մը Թորթումի հայ
եւ մահմետականացած գիւղերու՝ կը նշա-
նակէր Բյիսա իբր 800 տնով քրիստոնեայ
ձոր մը¹: Բայց այսօր Բյիսայի հայերն այլ

¹ Ս. Էփրէմեան, «Բնաշխարհիկ բառարան», Հտր.
Բ., Վենետ. 1907, էջ 51. այսպէս նաեւ Ա. Դ. Օ., «Վա-
նի, Պիթրիսի եւ Էրզրումի վիլայէթները», Երեւան 1912,
էջ 201:

եւս մահմետականացած են: Առնունք դարձեալ իրր օրինակ արեւմտեան հարաւային լեռնակողմը, ուր հայ գիւղերու շարք մը կայ: Ամէնէն բարձրագիւրը Նորշէն հայ-կթղ. մեծ գիւղ մըն է. բայց անդին Խաչո-ս, ասդին Մէլո-ս եւն մահմետական եղած են: Գոնէ խառն բնակչութեամբ է Վախիկ-կան. մահմետական եղած են ասդին եւ անդին պատմական գիւղերս՝ Գեղէի իւր բերդով (Կ. Kegik) եւ Վարդաշէն (այժմ Վարդշէն եւ Վարշէն, Կ. Vartshin), ուր բնակած էին Հազարաւուստի պարսիկ զնդերն, երբ «երթեալ յՈրտաշ» (= Թորթում) կը հալածէին զՎահան Մամիկոնեան. (Ղազ. Փարպեցի, ՀԹ): Մահմետական եղած է Զեռակ գիւղը, ուսկից էր Ղեւոնդեանց դասէն «երանելին Արրահամ երէց», (Փարպ. ԺԴ, Կ. «Zinager», այժմ «Զինակիր», եւ նաեւ «Զինաւոր»), թէեւ այս միեւնոյն հովտին շարունակութեան մէջ քրիստոնեայ մնացած են Գարնկոյ («Գարընկոս», Կ. Karangots), Խոչքի («Chosprik», հին Խոչքի) եւն: Մահմետական է այժմ Սաղէր, բայց դիմացի Ռապար՝ հայ-կթղ.: Այսպէս ամէն կողմ այս հին աշխարհիս մէջ, գիւ-

ղերու մեծամասնութիւնը մահամետականացած է:

Դիտենք որ արդի անուանից մաս մը հին է. միւսները բնականապէս յընթացադարուց փոխուած են, ոմանք այսօր պէսպէս կը հնչուին: Հնագոյն հայ ձեռագրաց մին, ՆԼԵ (= 986 Յ. Բ.) թուին գրուած, որ Կարնոյ Սանասարեան վարժարանի հաւաքման մէջ էր¹, ունի նաեւ առուծախի եւ ժառանգութեանց բաժանման բազմաթիւ յիշատակագրութիւններ, գէշ գրուած եւ դժուարընթեռնի ու սխալագիր, բայց յամենայն դէպս հին (հմտ.՝ «սլոխտիմոնտայ» եւն բացատրութիւնք,) եւ կ'երեւայ թէ Թորթումէ են: Այս տեղ կը յիշուին գիւղացիք «Խսկայ», որ անշուշտ արդի Բիւրէն է. վկայից մին է «Սաղեհոյ Աշոտոյ Բ(րի)ստափորի», որ ի հարկէ արդի Սաղեհն է: Տեղւոյս չէ մանրամասնել մնացեալ դժուարընթեռնի անունները: Կարնոյ Արծնեան վարժարանի Ձեռագրաց մէջ կայ Թ. 807 հին Աւետարանը²՝ որ անուն սորա հայր Անդոն կոչի, եւ կը վերաբերէր երբեմն եկեղեցւոյն «Որոտայ գեղջին որ է

¹ Հմտ. Հր. Ահմետեան, Յուդայեան, Թ. 1, էջ 1-2:

² Հ. Յակոբ վ. Բոստան, Յուդայեան, Թ. 6. անտիպ.

երկիրն Թորթոմայ,, Որովհետեւ փնասուած էր (“կրակ անկաւ,, եւն), պէտք էր նորոգել. եւ զասի ի գլուխ հանած է Կարնոյ Թուանջ գիւղէն Առաքել, որ անձամբ դացած է Ոտոք, հրաւիրանօք եւ ընկերակցութեամբ “Ղուկաս արքեպիսկոպոսին, որ նայ էր առաջնորդ երկրին, որ գնացինք Ոտոք գեղն, լսեցաւ մեր գնալս, քահանայքն եւ տովլաթ(աւ)որքն վերայ եկին, իրիստ աղէկ հարկիս արարին,, եւն: Այս ամէնուն եւ կազմելուն Թուականն է ՌԽ = 1591: Իսկ այսօր Ոդոք (Կ. Odek) մեծ հովտին մէջ քրիստոնեայ չկայ. ամբողջը մահմետականացած է:

Ծշղիւ այս տարին կամ տարի մը յառաջ Թուրքերը վերջնականապէս գրաւեցին՝ ի միջի այլոց՝ Թորթում գաւառը, թէ եւ կանխաւ ալ հոն մտած էին 1514ին, եւ մանաւանդ 1549ին գրաւած բոլոր բերդերը: Վերջնական գրաւման տարեթիւը կուտան նաեւ մեր Տարեգիրք, երբ օրինակի համար ՌԼԹ (= 1590) տարւոյ համար կը նշանակեն թէ՛ մեծ սուգ եղել քաղաքին (Կարնոյ) քանզի զԹորդոմ-ճո-Յորէրն Կիւրէյն¹:

¹ Հմմտ. “Գիւան պատմութեան Հայոց,, հրատ. Գիւտ քհն. Աղանեան, Հտր. Ժ, էջ 102:

Զանգուածային մահմետականացում
մինչև է հոս 1643ին, երբ՝ ինչպէս կը
գրէ Յակոբ Կարնեցի, Զաֆար մօլլայ աշ-
խարհագիրը ընկելով «արար դաւտար եւ կա-
պեաց ծանր խարած»։ Հայոց այն մասն,
որ թէեւ ազգաւ եւ լեզուաւ հայ էր, բայց
վրական եկեղեցւոյ կը վերաբերէր, «ի յահէ
խարածին դարձան յօրէն» Մահմեդի։ Յա-
կոբայ Կարնեցւոյ խօսքն ասոնց մասին որոշ
ու պայծառ է. «Էին բնակիչք երկրին կէսն
հայ ազգաւ, եւ կէսն կրօնի՝ վրացի, Բայց
հայէ լեզուաւ իօրէն», (Յակ. Կարն., էջ
17—18)։ «Հայ ազգաւ», եւ «կրօնի վրացի»
հակադրութիւն են կրօնական տեսակէտով,
նչ թէ ազգային, ինչպէս արդէն «հայի լե-
զուաւ», կը ցուցնէ¹։ Ասոնք «վրացի», էին
այնպէս ինչպէս վերն արդէն տեսանք նաեւ
այսօր „Firengi“ կամ «Փրանկ», Հայեր։
Ինչպէս Բիւզանդեանց իշխանութեան ներ-
քեւ ունեցած ենք նաեւ շատ բազմաթիւ
«հոռոմ», Հայեր, որոնցմէ այսօր ալ կան՝
յունածէս, բայց տակաւին հայախօս Հայ-

¹ Այս դիտողութիւնը կ'ընենք, որովհետեւ
Mac'er տարակուսական բնուած է եւ թէեւ հարցա-
կանով թարգմանած է թէ նաեւ այս «վրացի», ըլլան par
moitié... en tant que race et religion (?), Կարնեց-
ւոյն խօսքն այս իմաստը չունի եւ չէր կրնար ունենալ։

Հոռոմներ (յԱկն եւն), նոյնպէս պատմութեան բերմամբ ունեցած ենք “կրօնիւք վրացի”, Հայեր — չհաշուելով լիովին վրացած՝ ինչպէս նաեւ յունացած ու կորսուած Հայերու բազմու թիւն մը: Այս մասին ընենք հոս համառօտ դիտողութիւն մը:

Տայք Հայաստանի մեծագոյն մասին հետ Պարսից բաժնին մէջ քնաց, մինչ Բարձր-Հայք (Բաբերդ-Սպեր, Երզնկայ-Կարին, չմիշտ լի աւելի հարաւայինքը) հոռոմէական բաժնին անցան, երբ Հոռոմէացիք եւ Սասանեանք Արշակունեաց Հայաստանը բաժնեցին (387ին) առ ժամն թողնելով կրկին թագաւորաց ներքեւ: Եւ այսպէս՝ ինչպէս յառաջ դարեր, այնուհետեւ ալ գոնէ չորս դար բախտակից էր Հայաստանի եւ մասնակից անոր պատմութեան, ինչպէս ականարկուեցան արդէն Վարդանայ եւ Վահանայ Մամիկոնեանց օրերուն այս կողման դէպքերն: Երնթացս ժամանակի Բագրատունիք՝ Բաբերդ-Սպերէն ասդին ընդարձակ կալուածներ ստացած էին նաեւ ի Տայս, ինչպէս այլուր. եւ մինչդէռ կը ջանային եւ ի վերջոյ յաջողեցան վերականգնել Հայաստան՝ գեղեցկաշէն Անի մայրաքաղաքով, չկրցան զայն իրեն նախնական (Արշակու-

նեաց) սահմաններուն ընդարձակութեան հասցընել: Աշոտ Բագրատունի (787—826) տիրելով Արտանուշի եւն՝ հիմ դրաւ Կղարջաց կամ Գուգարաց-Տայոց իշխանութեան: Հայ իշխանութիւնս՝ բաց ի Գուգարաց ու Տայոց հայ գաւառներէն՝ շուտով միացուց նաեւ վրական (մեսխեան) գաւառներ, եւ այսպէս ի վերջոյ խառն բնակչութեամբ պիտութիւն մ'նշաւ: Իւր մեծագոյն ծաղկման դարն է Ժ. դարը: Հայք յաճախ «Տայոց» անուամբ կը յորջորջեն այս իշխանութիւնը (հմմտ. օրինակի համար «տանն Տայոց» Արիստ. Լաստ., զԼ. Ա. եւն, բայց նաեւ «գլխորապաղատին իշխանութիւն», զԼ. ԺԷ. եւ նմանք այլուր): Վրական աղբիւրները՝ Կղարջք գաւառէն առեալ կը կոչեն սովորաբար «Կլարջէնի», — որ ընդարձակագոյն նշանակութիւն մը կ'առնու անով: Իսկ Բիւզանդացիք յաճախ պարզ «Վիրք», կը կոչեն, անուանակոչութիւն մը՝ որ ի հարկէ անծանօթ չէ մեր մատենագրաց ալ, եւ որ Գուգարաց բոլորչութեան ենթարկեալ աշխարհաց դռնէ մէկ մասին համար կայ արդէն մեր հին պատմական գրականութեան մէջ ալ: Այս «Վիրք», սակայն՝ զանազանելու է բուն Վրաստանէ, որ իւր սեպհական թա-

գաւորներն ու իշխաններն ունէր միշտ: Այս զանազանութեան անուշադրութենէ ծագած է այն լիակատար անմիաբանութիւնը մէկ կողմանէ մեր հին աղբերաց տուած “Վրաց”, իշխանաց անուանց ու պատմութեան եւ միւս կողմանէ վրական աղբերաց տուած տեղեկութեանց միջեւ: Իրականին երկուքն ալ տարբեր տեղերու եւ տարբեր իշխանաց պատմութիւններ կ’աւանդեն: Բիւզանդեանք “Կիւրապաղատ”, յորջորջանքը կու տային Տայոց-Կղարջաց այս իշխանաց: Արդ կրօնական վճիռը՝ մանաւանդ Բաղկեդոնի ժողովոյն խնդիրը՝ ինչպէս անհատնում գծտութեանց առիթ եղան Եունաց եւ հայոց միջեւ, եղան նաեւ պատճառ վիճմանց եւ պառակտման հայ եւ վրական եկեղեցեաց: Տայոց-Կղարջաց Բագրատունիք, որոնք շուտով խնամութեան կապեր հաստատած էին արփաղեան, վրական եւնտանց հետ, երբեք չ’ոռնալով տակաւին իրենց կապն Անուոյ Բագրատունեաց հետ, ի կրօնականին կողմնակից էին ինչպէս յունական՝ նոյնպէս ի մասնաւորի վրական եկեղեցւոյ: Այս ժամանակներէն արդէն (Թ.— Ժ. դարուն) վրական եկեղեցին գերիշխող դիրք սկսած է ունենալ Տայոց մէջ ալ,

եւ արդէն այս ժամանակ գտնուելու էր (բաց ի իշխող՝ եկեղեցական եւ աշխարհական դասակարգէն) նաեւ ժողովրդեան մէջ մաս մը վրածէս հայերու: Վրական եկեղեցւոյ վերաբերող այս Հայք արլիւնք ունին թէ վրական եւ թէ հայ գրականութեան համար, հայերէնէ թարգմանած են բազմաթիւ դործեր, որոնք հետզհետէ աւելի երեւան կու գան: Նաեւ վրական գրաւոր ու արձանագիր յիշատակարանաց մէջ յիշուած նշանաւոր անձանց մեծագոյն մասը՝ Բագրատունեաց եւ առ հասարակ հայ աւագանւոյ սովորական անուններէն զատ (Բագարատ, Սմբատ, Ասրնեբսհ եւն եւն) յաճախ զուտ հայկական անուններ կը կրեն (Ջոջիկ պատրիկ եւն): Այս իրերը հոս չենք կրնար աւելի մանրամասնել: Արդ Բիւզանդացիք սխալ քաղաքականութիւն մը սկսան ԺԱ. դարուն, եւ կործանեցին Հայաստանի Բագրատունեաց թագաւորութիւնը եւ քայքայեցին նաեւ Տայոց իշխանութիւնը¹: Տայոց Դաւիթ Մեծ կիւրապաղատը († 1000/ին), թունաւորուած յունասէր

¹ Հմմտ. ի միջի այլոց Aram Akoulian, *Einverleibung armenischer Territorien durch Byzanz im XI. Jahrh.* Gruningen 1912.

կուսակցութեան կողմանէ, իրր թէ կտակաւ Վասիլ կայսեր թողուցած ըլլայ իւր գաւառները. կտակ մը՝ որուն շատ կը նմանի Անւոյ մասին ալ պատրուակուած չարաշուք կտակը: Արդիւնքը միայն այն եղաւ որ քիչ մ'ետքը սկսած Սելջուկեան հեղիղն ալ եւս անարգել ողողեց ու կործանեց ոչ միայն Հայաստանն ու Տայք. ալ գլխի թէ անմիջապէս նաեւ Բիւզանդեան կայսրութեան ամենամեծ մասը՝ ամբողջ Փոքր-Ասիան նուաճեց: Բայց ալ եւս Վրական Բագրատունիք¹ յաջողեցան միացնելով Ափսաղաց ու Վրաց գահերը՝ վերակազմել Վրաստանը, ձեռք բերել կրկին Տայոց գոնէ մէկ մասը, մայրաքաղաք ընել Տփղիս, եւ ի վերջոյ գրաւել նաեւ Անւոյ իշխանութեան գոնէ մաս մը: Յորչափ համերաշխ էին բազմազան ցեղերը եւ նաեւ Հայք, որոնց յոյսը՝ Անւոյ անկմանէն ետքը, միայն

¹ Բագրատունեաց մասին նորագոյն երկը՝ Josef Marquart, Osteuropäische und ostasiatische Streifzüge. Leipzig 1903, p. 391—465. հեղինակէն դատ ընդարձակուած եւ սրբագրուած՝ «Բագրատունեաց ծագումը: Ա. Հայ Բագրատունեաց ճիւղագրութիւնը: Բ. Վրական Բագրատունեաց ծագումը». Թրգմ. Հ. Մեդրուկ Վ. Հոպ-Վան: Վիեննա 1913. Ազգ. Մանդր. ՀԳ.: Տարօնի Բագրատունեաց մասին ընդ մամուլ գործը տակաւին լոյս չէ տեսած:

այս Բագրատունիք էին, ծաղկեցաւ պետութիւնը, մանաւանդ ԺԲ. դարուն: Բայց տիրող աւատական դրութիւնը, ներքին երկպառակութիւնք, կրօնական վէճեր եւ հալածանք իսկ մանաւանդ Հայոց հանդէպ, ԺԳ. դարուն պառակտեցին այս բաւական մեծցած պետութիւնը: Սարգիս (1269ին) հիմ դրաւ Սամցխէի իշխանութեան, որուն կենդրոնն եղաւ Ախալքիսա. եւ այս իշխանք՝ «Աթաբեկ», յորջորջուած, տիրեցին նաեւ Տայոց գոնէ մէկ մասին: Տայք ուրեմն բաւական երկար ժամանակ վրահայ իշխանութեան ենթարկուած են. եւ բնական է թէ հայ իշխանական տանց յրնթացս դարուց փոփոանակեցին յաճախ վրականք, վրածէս եկեղեցին աւելի տարածուեցաւ եւն: Բայց բուն վրական (մեսիս եւն) ժողովուրդ հազիւ թէ՝ նաեւ դոյզն չափով մուտք գտած ըլլայ ի Տայս: Ամբողջ աշխարհին մէջ չի գտնուիր գիւղի մ'անուն՝ որ իրօք վրական ըլլայ, ամէնքը հայկական են մինչեւ այսօր:

Իրերն այս դրութեան մէջ էին երբ Թուրքերը Պարսից դէմ, որոնց գերիշխանութեան ներքեւ էին ինչպէս Տփղիս, Նոյնպէս Ախալքիսա, պատերազմելով տիրեցին Թորթուսի 1549ի. եւ Զըւտըրի ճակատա-

մարտէն ետքը (1578) Աթարեկութեան ամբողջ հողերուն, զորոնք պահեցին 1590 ի դաշամբ մինչեւ 1828: Անմիջապէս կը սկսէր հալածանքը. եւ նախ մանր իշխաններէն մաս մը՝ անձնական շահերու համար՝ կը մահմետականանար, եւ աթարեկ Բեգա Գ՝ իւր իշխանութիւնը փրկելու համար, մահմետական կ'ըլլար ինքնին՝ առնելով Սաֆար փաշայ անունը (1625 եւն): Եւ ջորդը Ուսուֆ Փաշայ (1635է սկսեալ) մոլեռանդ մահմետական մ'եղած էր. եւ այնպէս սաստկացուց կրօնի հալածանքն, որ քիչ մ'ետքը բուն վրական (մեսիս եւն) տարրը լիովին մահմետական եղած էր եւ վրական եկեղեցին — որ հոն անկախ էր Տփղիսի եկեղեցիէն, — այլ եւս գոյութիւն չունէր: Հազիւ սակաւաթիւ վրացի գիւղացիք մնացած էին քրիստոնեայ «առանց հովուաց», հոս ու հոն (հմմտ. Brosset, Histoire etc. II, 1, էջ 199—238): Այս պարագային դիւրաւ կ'ըմբռնուի թէ Տայոց մէջ ալ գտնուող վրածէս Հայերը (որոնք միշտ հայ մնացած էին ազգաւ ու լեզուաւ) առանց եկեղեցական նուիրապետութեան եւ անհովիւ մնացած՝ դիւրաւ զանգուածօրէն մահմետականացան 1643 ի

«Խարաճ», ի մը պատճառաւ: Յակոբ Կար-
նեցի իւր գրած միջոցին՝ ժէ դարուն վեր-
ջին քառորդին՝ տակաւին կրնար ուրախա-
նալ թէ գոնէ Հայոց միւս մասը «մնացին
ի վերայ հաւատոցն ողորմութեամբն Զրիս-
տոսի եւ աղօթիւք Ս. Լուսաւորչին», (անդ):
Բայց կարգը պիտի դար անոնց ալ՝ եւ
բռնի մահմետականացումը հոս ալ. մեծ
ծաւալ պիտի առնուր ոչ միայն ժը դարուն
ընթացքին մէջ, այլ նաեւ ժիժ դարուն,
ինչպէս յիշեցինք արդէն Քցխայի 800 տուն
Հայոց պարագան:

Թէ այս հալածանաց ատեն եւ թէ
1828 ի գաղթի ժամանակ՝ նաեւ այս ձո-
րերէն փախած եւ գաղթած են շատերը:
Երբ Բոխ Նառիմանէ (հին Մամրուան)
կ'անցնէր, այս գաւառիս շատ գիւղերը
լքեալ ամայի մնացած էին, եւ «եթէ ուս-
թուրք ազմաճակատը ներկայացընող քար-
տէսը նկատենք, պիտի գտնենք հոն բազ-
մութիւն մը գիւղերու, որոնք այժմ միայն
անուամբ գոյութիւն ունին», (Բոխ, էջ 261):
Ասի արդիւնք էր նաեւ Տայոց գաւառաց
մահմետականացած կէս-անկախ իշխանաց
ապստամբութեան մը, (որուն մէջ զլխաւ-
որ դեր ունէին Արդուինի եւ Օլթիի տէ-

քերը) եւ Թուրքերն իրենց հանրածանօթ
 ոճով նուաճած էին: Այս ամայի գիւղերը
 հայ գիւղեր էին, որոնցմէ մաս մը միայն
 կրկին հայ մնացած է: Միւսները կամ
 մահմետականացած են, կամ նաեւ՝ աւելի
 նուազ՝ եկուոր օտար մահմետականներէ
 բռնուած: Նառիման արդէն կը վերաբերի
 այն մեծ աւազանին, որուն կենտրոնն եղած
 է Օլթի (հին՝ Ուխտիք), եւ որուն վրայ
 կ'իջնային Տայոց նահանգին միւս գաւառ-
 ները, որոնց մէկ մասին հնադոյն անուն-
 ները մնացած են այսօր ալ. այսպէս՝ Պար-
 փղապփոյ է արդի Պարփէզ (Կ. Bardus):
 Հոս ալ բոլոր ձորախմբերն իրենց ջրերով
 հայ անուններով մնացած են, թէեւ նոյն-
 պէս թեթեւ աղաւաղմամբ: Յիշեցինք
 Բանակս կամ Բանասկէր (Կ. Panaskert),
 որուն ամփոփումը թրք. Pennek (ինչ-
 պէս կը գրէ նաեւ Զոհ) ինքնին ճանա-
 չելի է. (այս ձեւէն է արդի երրեմն գրուած
 «Փանակ»,): Բանջուր կը ճանչցուի՝ եթէ
 նաեւ Կիպիրտի հետ Pandjuret գրենք:
 Անուանց շատերուն մէջ վերջին -յորը քար-
 տէսներու վրայ կը գրուի -sor, օրինակի
 համար Karisor եւն, որոնք յայտնի են:
 Զիարդ եւ իցէ Օլթիի աւազանին մասին

Հոս չենք ուզեր երկարել, քանի որ հոն հին ազգաբնակչութիւնը շատ փոխուած է մանաւանդ 1878 էն ետքը Ռուսաց ձեռք մնացած բաժնին մէջ: Բնիկներուն մաս մը գաղթած է, եկած են նորեր, եւ այս շարժումը կը շարունակուի ցայսօր: Անոր համար Տայոց ռուսական մասը նկատի չենք առնուր նաեւ յաջորդ դիտողութեանց մէջ:

Տայոց միւս մասերուն, ուստի վերը նկարագրուած Կիսկիմ եւ Թորթում գաւառներուն արդի վիճակը հետեւեալն է: Նախ այս ամբողջ գծին վրայ նաեւ այսօր՝ ինչպէս տեսանք անցողակի, հայ-թիւթական բաւական բնակչութիւն կայ, բազմաթիւ անխառն գիւղերով ալ: Հայ գիւղերն անհամեմատ բարձր են թէ՛ քաղաքակրթութեամբ եւ թէ՛ տնտեսապէս, թէեւ յաճախ նուազ բարեբեր հողեր ունենան: Կան դարձեալ՝ թէեւ հոս շատ փոքրաթիւ՝ նորեկ մահմետականներ. եւ ասոնք են՝ ինչպէս ամէն տեղ՝ մահմետական մոլեռանդ տարրը, որ սակայն միշտ պատրաստ է գաղթելու, երբ պարագաները փոխուին: Մահմետականաց ճնշող մեծամասնութիւնը հայ-թիւթական է, որուն մէջ իբր մոլեռանդ տարր կայ — բաց ի սակաւաթիւ պաշ-

տօնէութենէ — մօլլայ ու բէկ, ցորչափայս ամէնն բնիկ է, եւ դարձեալ այլեւայլ օսմ. սպայք, որոնք հանգստի կոչուած իրենց հայրենիք դարձած են: Այս իշխող տարրը որուն մէկ մասը բնիկ չէ, — շատ փոքրամասնութիւն է՝ համեմատութեամբ զիւրացւոց:

Նրկիրս մէկ ծայրէն միւս ծայրը հայ նկարագիրը պահած է անով որ բոլոր անուանք մնացած են հայերէն, ոչ միայն մահմետականացած զիւրիւրուն, այլ անոնց անթիւ մանրամասնութիւնք ալ՝ անուանք զիւրամասերու կամ թաղերու, լերանց, գետոց ու առուակաց, արտերու, քարին ու ժայռին, այս ամէնը ճշող մեծամասնութեամբ. (օրինակ՝ Արփէր, Բարոփ, Զաղցընէր, Սորոփ, Սոփորոփ, Սեղւաջոփ եւն եւն): Լիզուի կողմանէ ի հարկէ օտար ու ղեւորի մ'առաջին տպաւորութիւնն այն կ'ըլլայ թէ մեծ մասն այլ եւս թրքախօս եղած է: Բայց նախ նկատելի է որ համահմետականը ստիպուած էր եւ է մանաւանդ համիտական շրջանէն ի վեր՝ խորշիլ հայութեան արտաքին երեւոյթներէն իսկ, չհալածուելու համար. անոր համար կը զդուշանայ ամէն տեղ ուրիշ լիզուաւ խօ-

սիլ օտարականին հետ՝ բայց միայն պետա-
կան թուրք լիզուաւ, որչափ կրնայ: Բայց
երկրորդ՝ այս թուրքերէնը տարօրինակ է,
որուն ի հարկէ մտադիր չեն կրնար ըլսլ
եւրոպացի ուղեւորք: Նախ հոս ի կիսկիմ
ու թորթում, ամէն տեղ՝ ուր նաեւ իրօք
թրքախօս եղած են, արդի թուրքերէնը
խառնուրդ մըն է հայերէնի հետ, ա՛յնպէս
իճողուած հայերէն բառերով՝ ամէն կարգի:
Կը բաւեն քանի մը բառեր իբր օրինակ.
Գոթի ու աթիլ (ցորեն), լազո-ր (եղիպտա-
ցորեն), հերի. կեամ (= կամ), փարախ, իո-
րոշ եւն. — Բանջար, լափշ, պոզէ եւն. —
Կարէփ (կերակուր մը), լոբնան, հո-նապո-ր,
փոթին, լեթիաշ եւն. — Կապան (կիլճ),
կո-ար (տանեաց ծածկի փայտեր, գերմ.
Schindel), լաթնան (ձեռնոց, թախտապան),
պոլոշ (երկնկեկ) եւն. — Խնամի, Կե-ի եւն
եւն: Խոտորջրոյ եւ Տայոց աշխարհի բար-
բառին երախտալից հաւաքիչը, որ զո՛հ գնաց
1915ի թուրք բարբարոսութեան (Հ. Մատ-
թէոս Վ. Հաճեան,) տարիներով աշխատած
(անտիպ) հաւաքմամբ, կրնար ճշդիւ թրքա-
խօս եղած արուեստաւորաց բերնէն քաղել
տնաշինութեան եւն վերաբերեալ հայ բա-
ռերը: Տող՛րուս գրողն երբ յաճախ մտա-

դիր կ'ընէր այսպիսի հայ բառերուն, պատասխան կ'ընդունէր թէ «Մեր գիւղն այսպէս կ'ըսեն», Եւ ճախ թուրք համազօրներն անծանօթ էին խօսողներուն:

Անցելոյն յիշատակն եւ ազգային գիտակցութիւնը — որչափ այս մասին կարելի է խօսիլ մանաւանդ Թուրքիոյ մէջ մահմետական ըմբռնմանց համար, — լիովին չէ մարած: Կան նոյն իսկ ձորեր, ուր սովորական են այս մականուններ հայ-մահմետականաց՝ Կոստան-օղլի, Կիրակոս-օղլի, Գառար-օղլի, Մանչ-օղլի, Փափակեր-օղլի («փափակեր», «փափայ», կերակրէն). Կոչալ-օղլի («կոչալ», բիր), եւ նմաններ: Խեւակի ձորը՝ Բաջքարի ստորոտին ամենաբարձրը՝ հնուց մահմետականացած է՝ Համէնի հետ, փոքրաթիւ քրիստոնեայք միայն մնալով: Այս մահմետականք այսօր ալ կը յիշեն իրենց ազգակցութեան եւ խնամութեան կապերն այն քրիստոնեայ ազգակցաց հետ, որոնք շատոնց հեռացած ու դաղթած են այլուր՝ գլխաւորաբար կրօնական բռնութենէ ազատ մնալու համար: Տողերուս գրողն առիթ ունեցած է ի կարին ճանչնալու քրիստոնեայ ազգակցաց այցելութեան եկած մահմետական Խեւակցիներ, որոնք հայերէն գիտէին:

Մեր յաճախակի հարցմանց ի թոր-
թում եւ այլուր թէ ի՞նչ են իրենք իրա-
կանին՝ պատասխանը կ'ըլլար նախ միշտ
մահմետականացածներուն այն հաստատա-
տիպ խօսքը թէ «Իսլամ էն», Բայց նաեւ
այս «իսլամք», գիտէին թէ իսլամ զանա-
զան ցեղեր կան։ Մեր հարցման թէ իրենք
ուրեմն «Բո-ր», էին, լա՞ւ թէ այլ ինչ,
Բացորոշ էր ժխտէին՝ ըսելով թէ իրենք «Ն-
Բո-ր էն, «Ն լաւ, «Ն «Է-րճի», «Ն Կ-րդ,
«Ն շէրէշ, միով բանիւ ոչ ազդ ու ցեղ
մը՝ որ հոս կրնար ի նկատի առնուիլ։ Բայց
նաեւ «Հայ էն», չեն կրնար ըսել. որովհետեւ
«Հայ», եւ «-ըխոփանեայ», համազօր Բաւեր
էլամ էն հոս, ինչպէս ուրիշ շատ տեղեր
ալ։ «Մեր պապերը (իսլամական) ճշմարիտ
կրօնքը գտեր են, եւ ասի կը բաւէ», — այս
էր վերջնական պատասխանը։ Սիւս կող-
մանէ յաճախ կը պարծէին թէ «իրենց պա-
պերը», շինած են այն հոյակերտ կանգուն
(ու մզկիթ եղած) կամ նաեւ աւերակ եկե-
ղեցիները։ Խնդիր չկայ թէ նաեւ հոս հայ-
մահմետական կինը շատ աւելի պահած
է իւր բարբառն ու քրիստոնէական սովո-
րութիւնները։

Հայ-մահմետականը կրօնափոխ եղած

է բռնութեան ներքեւ. բայց իւր վիճակն
աւելի բարւոքած չէ այսօր քան քրիստո-
նէինը: Անշուշտ վերջնոյս կրած այլեւայլ
տառապանքներէն զերծ է. բայց այլուստ
աւելի եւս անոք ու ստրուկ եղած է յաճախ
ինքնակոչ բէկերու ձեռքը: Հոս լաղ բէկերն
այն դերը կը խաղան՝ ինչ որ քուրդ բէկեր
ուրիշ տեղեր, գործակցութեամբ թուրք
պաշտօնէութեան: Հիանալի մրգաւէտ եր-
կրիս պարտէզները մեծ մասամբ բէկերու
ձեռքն են. եւ գիւղացին ստիպուած է յա-
ճախ անոնցմէ պտուղ գնել, տանելու ի
Կարին ու վաճառելու, եւ ասով հոգա-
լու իւր աղքատին տան գոնէ անհրաժեշտ
պէտքերը: Կտոր մը հող՝ լերան մը զառի-
կողին վրայ՝ հազիւ կրնայ հայթայթել իրեն
Գարեհայ մը: Միով բանիւ աղքատ գիւ-
ղացի մըն է, չարքաշ եւ կապուած իւր
հողին: Փոխադրութեան միջոցներն ընդ-
հանրապէս այս հազիւ անցանելի արահետ-
ներուն վրայ միայն ձին ու ջորին են:

* *
* *

Սեւ Ժովէն, Կարին տեսանք գաւառ-
ներու շարք մը, որոնց հնուց ի վեր ապ-

ըող մեկ Բնակչ-Նե-նը՝ Հայո-Նե-նը մեկ-
 ժ/։ Դարո-ն կե-երը Բայա-ապէս + լիս-
 նեայ էր։ Նոյն միջոցին սկսած Բ-նի իսլա-
 մացո-նը՝ կոտորածներով ալ՝ հսկայ չա-
 փեր առած է ժ/ Դարո-ն ընթացքին
 մէջ, շարունակուած նաեւ ժ/ Դարուն։
 Բայց հայ նկարագիրը մնացած է ամէն կողմ,
 շատ տեղ տակաւին հայ լեզու-ն ալ։ Ժայրէ
 Ժայր հայ անո-ններ համշէնէ ու Սեւ-
 Գետի, Սեւ ծովու վրայ՝ մինչեւ Բաբերդ-
 Սպեր եւ Կիսկիմ-Թորթում։ Մաղաղ
 վարչութեան մը տակ, երբ անհետանայ
 Թուրքի ու մահմետական բռնապետական
 ճնշումը, մահմետականութիւնն անշուշտ
 կը մնայ այս բնակչութեան մէջ. բայց հայ
 լեզուն յանկարծ պիտի լսուի նաեւ այն
 տեղ, որ լիովին թրքախօս եղած կ'երեւար։
 Յամենայն դէպս հայ-մահմետականը բարի
 դրացի մը պիտի ըլլայ քրիստոնեայ հայուն
 հետ, ինչպէս է արդէն շատ տեղ։



ԱՂԳԱՅԻՆ ԽԱՏԵՆԱԳԱՐԱՆ

- Ա. Գալեմքեարեան Հ. Գ. Վ., Ուսումնասիրութիւնք Հեհայոց դատաստանագրոյն: 1. Պիշոֆ, Հեհայոց հին իրաւունքը: 2. Գոշեք, Իրաւունք Հայոց: 1890: Էջ 85+59: Ֆր. 3.—
- Բ. Մեհեմեդեան Հ. Գ., Ազգաբանութիւն ազն. զարմին Տիւզեանց: 1880: Էջ 50: Ֆր. 1.50
- Գ. Տաշեան Հ. Ե., Ազաթանգեղոս առ Գէորգայ ասորի եպիսկոպոսին եւ ուսումնասիրութիւն Ազաթանգեղեայ գրոց: 1891: Էջ ԺԱ+159: Ֆր. 4.—
- Դ. Տառ Դ., Արեւելեան Հայք ի Պուրովինա: Թրգմ. Հ. Գ. Վ. Գալեմքեարեան: 1891: Էջ 79: Ֆր. 2.—
- Ե. Տաշեան Հ. Ե. Վ., Ուսումնասիրութիւնք Ստոյն-Կալիստենեայ վարուց Աղեքսանդրի: 1892: Էջ Դ+272: Ֆր. 5.—
- Զ. Տըվշե Ա. եւ Գ. Փիսոն, Ուղեւորութիւն ի Փոքր Ասիա: Թրգմ. Հ. Ե. Վ. Տաշեան: 1892: Էջ 82: Ֆր. 2.—
- Ը. Մառն., Ամառնային ուղեւորութիւնից դէպ ի Հայս: Թրգմ. Ո. Անոփեան: 1892: 89: Ֆր. 2.—
- Ը. Կարրիէր Ա., Նորագոյն աղքեք Մովսիսի Խորե-նացոյ: Հտ. Ա.: Թրգմ. Հ. Ե. Վ. Տաշեան: 1893: Էջ Ժ+51: Ֆր. 2.—
- Թ. Գալեմքեարեան Հ. Գ. Վ., Պատմութիւն հայ լրագրութեան: Հտր. Ա. 1794—1860: (1 լուսանկարով:) 1893: Էջ 232: Ֆր. 4.—
- Ժ. Կոնիքի Փր. Կ., Էննութիւնք գրոց Դաւթի Անյաղթի: Թրգմ. եւ յաւ. Հ. Ե. Վ. Տաշեան: 1893: Էջ Է+92: Ֆր. 2.—

ԺԱ. Դոմրիկեան Հ. Գ. Վ., Հայք յԵղիսաբեթու-
պոլիս Դրանսիլուանիոյ 1680—1779: (1 զըն-
կատիւ.) 1893: Էջ Ժ + 533: Ֆր. 7.—

ԺԲ. Խաշաթեան Գր., Զենոք Գլակ, համեմատական
ուսումնասիրութիւն: 1893: Էջ Զ + 78: Ֆր. 2.—

ԺԴ. Տէր-Մովսիսեան Փ., Հայ գիւղական տունը:
Թրգմ. Հ. Բ. Վ. Պիլէգիկճեան: (6 տիտլ. 55
պտկ.) 1894: Էջ Ը + 103: Ֆր. 3.—

ԺԴ. Կարաիսկի Ա., Նորագոյն աղքեղք Մովսիսի Խորե-
նացոյ. Հոր. Բ. կամ Յաւելուած: Թրգմ. Հ. Բ.
Վ. Տաշեան: 1894: 8^o Էջ ԺԱ + 43: Ֆր. 1.50

ԺԵ. Տաշեան Հ. Բ. Վ., Ուսումնասիրութիւնք հայերէն
փոխառեալ բառից Ա. Հ. Հիւպիման, Սեմական
փոխառեալ բառեր հին հայերէնի մէջ: Բ. Բրոքէլ-
ման Կ., Յունական փոխառեալ բառեր հայերէնի
մէջ: Գ. Հ. Հիւպիման, Հայկական Յատուկ անուանք:
1894: Էջ Թ + 145: Ֆր. 3.—

ԺԶ. Տաշեան Հ. Բ. Վ., Մատենագրական Մանր
Ուսումնասիրութիւնք. Մասն Ա: Ա—Զ. Նեմեսիոս,
Պրոկղ Դիադոխոս, Խոսրովիկ, Գիրք Հերձուածոց,
Պրոկղ եւ Սեկունդոս: 1895: Էջ ԺԲ + 296:

Ֆր. 5.—

ԺԷ. Տաշեան Հ. Բ. Վ., Հայկական աշխատասիրութիւնք
հայագէտ Պ. Փէթթէրի, ամփոփուած եւ թարգմ.
ծանօթութեամբք: 1895: Էջ Թ + 202: Ֆր. 4.—

ԺԸ. Տիւրեան Կ., Սեւ Ժովու ոռւսական եզերքը:
1895: Էջ 92: Ֆր. 2.50

ԺԹ. Դոմրիկեան Հ. Գ. Վ., Դրանսիլուանիոյ Հայոց
Մետրապոլիսը կամ Նկարագիր Կերլա Հայաքա-
ղաքի ի գիր եւ ի պատկերս: 1896: Էջ Թ + 352:
Ֆր. 5.—

Ի. Տաշեան Հ. Բ. Վ., «Վարդապետութիւն առա-
քելոց» անվանական կանոնաց մատեանը. Թուղթ
Յակոբայ առ Կողբատոս եւ Կանոնք Թաղէի:
1896: Էջ Թ + 442: Ֆր. 8.—

ԻԱ. Տոմաշէկ Վ., Սասուն եւ Տիգրիսի աղքեղաց
սահմանները: Պատմական եւ տեղագրական հե-
տազօտութիւն: Թրգմ. Հ. Բ. Պիլէգիկճեան: 1896:
Էջ Է + 62: Ֆր. 2.—

- ԽԲ. Կարրիէր Ա., Արգարու գրոյցը Մովսէս Խորենացոյ Պատմութեան մէջ: Թրգմ. Հ. Գ. Վ. Մէնէվիշեան: 1897: Էջ ԺԾ+107: Ֆր. 3.—
- ԽԳ. Յովնանեան Հ. Վ. Վ., Հետազոտութիւնք նախնեաց ոամկօբէնի վրայ: Ուսումնասիրութիւնք եւ քաղութեան, Մասն Ա. Ռամկօբէն մատենագրութիւնք: Տետր Ա: 1897: Էջ Ը+272: Ֆր. 6.—
- ԽԴ. Յովնանեան Հ. Վ. Վ., Հետազոտութիւնք նախնեաց ոամկօբէնի եւն: Տետր Բ: 1897: Էջ Ա—Ը: 273—522: Ֆր. 6.—
- ԽԵ. Գեղցեք Հ., Համառօտ պատմութիւն Հայոց: Թրգմ. Հ. Գր. Վ. Գալէմբարեան: Յաւելումք 1. Յանկ Հայոց կոտորածներու առթիւ լոյս տեսած գրքերու. 2. Գաւազանագիրք Կաթողիկոսաց եւ Պատրիարքաց Հայոց: 1897: Էջ Ը+130: Ֆր. 3.—
- ԽԶ. Մեհեղիշեան Հ. Գ. Վ., Գիրք (կամ՝ յօդուած) գրելու արուեստը: Յաւելումք Գիրք կարդալու արուեստը: 1898: Էջ Է+118: Ֆր. 3.—
- ԽԷ. Խաչաթեան Գր., Մ. Խորենացու նորագոյն աղբիւրների մասին քննադատական ուսումնասիրութիւնք: 1898: Էջ Է+53: Ֆր. 1.50
- ԽԸ. Տաշեան Հ. Յ. Վ., Անարկ մը հայ հնագրութեան վրայ: Ուսումնասիրութիւն Հայոց գրչութեան արուեստին: (10 զնկատիւ պատկերով): 1898: Էջ ԺԱ+202: Ֆր. 5.—
- ԽԹ. Դադաշեան Յ., Փ. Բիւզանդացի եւ իւր պատմութեան խարդախողը: Քննութիւնն Մ. Խորենացու աղբիւրների մասին: 1898: Էջ Թ+175: Ֆր. 3.50
- Լ. Մեքենեան Լ., Հայերէն քարքառախօսութիւն: Թրգմ. ի ուսերէնէ Հ. Գ. Վ. Մէնէվիշեան: 1899: Էջ Է+26: Ֆր. 1.—
- ԼԱ. Դօսեան Հ. Յ. Վ., Հայք ի Զմիւննիա եւ ի շրջակայս: Հատոր Ա. Զմիւննիա եւ Հայք. (պատկերազարդ:) 1899: Էջ ԺԲ+369: Ֆր. 7.—
- ԼԲ. Դօսեան Հ. Յ. Վ., Հայք ի Զմիւննիա եւ ի շրջակայս: Հատոր Բ. Զմիւննիոյ վիճակին գլխաւոր քաղաքներն եւ Հայք. (պատկերազարդ:) 1899: Էջ Ժ+161: Ֆր. 4.—

- ԼԳ. Գոմբիկեան Հ. Գ. Վ., Հայք յԵդիսարեթուպոլիս
 Դրանսիոյ թ. Բ. Հտր. 1780—1825: 1899:
 էջ Լ+554: Փր. 7.—
- ԼԴ. Գագանեան Բ., Եդոկիոյ Հայոց գաւառաբար-
 քաւը: 1899: էջ Լ+120: Փր. 3.—
- ԼԵ. Կարրիէր Ա., Հեթանոս Հայաստանի ութ մեհան-
 ներն Ագաթանգեղոսի եւ Ս. Խորենացոյ համե-
 մատ: Թրգմ. Հ. Բ. Վ. Տաշեան (1 քարտէզով):
 1899: էջ 43: Փր. 1.—
- ԼԶ. Տաշեան Հ. Բ. Վ., Ժողովածոյք առակաց վար-
 դանայ, ըստ Ն. Մառի, տեղեկատուութիւն եւ
 քաղուածքներ: 1900: էջ ԺԵ+193: Փր. 4.—
- ԼԷ. Տաշեան Հ. Բ. Վ., Մատենագրական Մանր Ու-
 սումասիրութիւնք. (տես ԺԶ): Մասն Բ: Լ-Ժ.
 Խիկար եւ իւր իմաստութիւնն, Ագապետոս եւ իւր
 Յորդորականք առ Յուստինիանոս, Թղթակցութիւն
 Աբգարու եւ Զրիստոսի ըստ նորագիւտ արձանա-
 գրութեան Եփեսոսի, եւ Գէորգայ Պիսիդեայ Վեց-
 օրեայք: 1901: էջ ԺԲ+384: Փր. 7.—
- ԼԸ. Տէր-Պօղոսեան Գր., Նկատողութիւններ փաւս-
 տոսի Պատմութեան վերաբերեալ: 1901: էջ
 Լ+110: Փր. 2.—
- ԼԹ. Վեքէր Ս., Արարատը Ս. Գրոց մէջ: Թրգմ.
 Հ. Բ. Պիլէգիկեան: 1901: էջ Ե+77: Փր. 2.—
- Խ. Սանտաղճեան Եղիշեան Վ., Ասորեստանեայ
 եւ Պարսիկ սեպագիր արձանագրութիւնք կամ
 որոնք Նաիրի-Ուրարտու աշխարհին պատմութեան
 կը վերաբերին: 1901: էջ 262: Փր. 6.—
- ԽԱ. Խաչաթեան Բագրատ, Հայ Ժողովրդական
 դիւցազնական վէպը: 1903: էջ Լ+72: Փր. 2.—
- ԽԲ. Մեմիկեան Հ. Գ. Վ., Արդի լեզուագիտու-
 թիւնը: Հտր Ա.: 1903: էջ Լ+204: Փր. 5.—
- ԽԳ. Մարկոսեան Բ., Հայ Բղեաշխք: Թրգմ. Հ. Թ.
 Կէտիկեան: 1903: էջ 39: Փր. 1.—
- ԽԴ. Գեղեք Հ., Սկզբնաւորութիւնք Բիւզանդեան բա-
 նակաթեմերու դրութեան (1 քարտէզով): Թրգմ. Հ.
 Գ. Գարանֆիլեան: 1903: էջ Լ+83: Փր. 3.—

ԽԾ. Կիւրճեան Բ. Վ., Ժողով, Ժողով-Տնօրէն եւ
Հոռոմ-Կլայ, պատմական եւ տեղագրական ուսում-
նասիրութիւն: 1904: Էջ Ը+117: Փր. 3.—

ԽԶ. Կիւրճեան Բ. Վ., Կոլոտ Յովնանէս Պատ-
րիարք, պատմագրական եւ քանասիրական ուսում-
նասիրութիւն: 1904: Էջ ԺԴ+227: Փր. 5.—

ԽԷ. Պեղեքսեան Հ., Նպաստ մը հայ. լեզուի պատ-
մութեան: Թրգմ. Հ. Գ. Գարանֆիլեան: 1904:
Էջ Ը+87: Փր. 2.—

ԽԸ. Տէր-Մկրտչեան Գ. եւ Աճառեան Հ. Բ.
Քննութիւն եւ համեմատութիւն Եզնկայ նորագիւտ
ձեռագրին: 1904: Էջ Է+105: Փր. 3.—

ԽԹ. Գովրիկեան Հ. Գ. Վ., Հայր յՅղիսաբնթուպոլիս:
Գ. Հոռ. 1825-1904: Էջ Ժ+658: Փր. 10.—

Ժ. Շաքէք Մ., Հայաստան, Բողոստան եւ արեւ-
մտեան Պարսկաստան քաղաքական-ատորեստանայ
սեպագրերու համաձայն Թրգմ. Հ. Բ. Պիլէգիկ-
եան 1904: Էջ Է+222: Փր. 5.—

ԺԱ. Խաչաթեան Գր., Հայ Արշակունիք ըստ
Մովս. Խորենացոյ, կամ՝ նոր ուսումնասիրու-
թիւններ Մովս. Խորենացոյ մասին: Թրգմ. Ար-
սէն Ս. Սիմոնեանց: 1906: Էջ Ը+124: Փր. 3.—

ԺԲ. Պեղեքսեան Հ., Հայերէն եւ դրացի լեզուները:
Թրգմ. Հ. Թ. Կէտիկեան: 1907: Էջ ԺԱ+257:
Փր. 6.—

ԺԳ. Հիւրճման Հ., Հին Հայոց տեղոյ անունները:
Թրգմ. Հ. Բ. Պիլէգիկեան: 1907: Էջ ԺԶ+443:
Փր. 8.—

ԺԴ. Պեղեքսեան Հ., Հին հայերէնի ցուցական գերանուն-
ները: Թրգմ. Հ. Բ. Տաշեան: 1907: Էջ Է+90:
Փր. 3.—

ԺԵ. Գալեմքեան Հ. Վ., Կենսագրութիւն
Սարգիս Արքեպիսկոպոսի Պարաֆեան եւ ժամա-
նակին հայ կաթողիկոսայ, 1908: Էջ ԺԳ+433:
Փր. 8.—

ԺԶ. Աճառեան Հ., Հայեր, նոր բառեր նորագիւտ
Մասցորդաց գրոց մէջ: 1: 08: Էջ 38: Փր. 1.—